

光緒山西通志

大事記三

記三之三

山西通志弟八十五

賜道士中興顯靈觀都侍郎兼都察院右副都御史巡撫山西提督軍務張簡修

唐五代宋金

唐高祖武德元年戊寅十一月行軍總管趙景慈攻蒲州隋刺史

史堯君素拒戰執景慈十二月蒲州人殺堯君素其將王

行本誅作亂者復乘城拒守尙書獨孤懷恩引兵圍之唐書

本紀外戚傳五行志君素守蒲州有鶴巢其殿機又白虹降於府門兵器之端衣皆有光未幾君素爲左右所害

二年二月赦并浩介石四州賈胡堡以北繫囚四月定楊

可汗劉武周引突厥寇并州齊王元吉遣將軍張達以步卒

百人禦之敗沒達降於武周襲榆次陷之武周遂圍并州

五月陷介州六月離石胡劉季真叛陷石州刺史王儉死

之 九月晉州道行軍總管裴寂及劉武周戰於介州敗績
右武衛大將軍姜寶誼死之武周進逼并州齊王元吉奔還
長安 十月武周將宋金剛攻晉州拔之進逼絳州陷龍門
又取滄州詔永安王孝基及工部尙書孤獨懷恩陝州總管
于筠內史侍郎唐儉討之是月夏縣人呂崇茂反 十一月
秦王世民引兵自龍門渡河屯柏壁永安王孝基等攻呂崇
茂崇茂求救於金剛金剛遣其將尉遲敬德尋相等將兵奄
至夏縣尉孝基等敬德相將還秦王遣兵部尙書殷開山邀
之於美良川大破之敬德復潛引精騎援王行本於蒲坂秦
王自將步騎三千從間道邀擊又大破之敬德僅以身免悉
俘其眾復歸柏壁

本紀
通鑑

三年正月戊寅王行本降帝方獵於渭濱辛巳如蒲州 劉

武周取長子壺關 二月檢校隰州總管劉師善謀反伏誅

三月劉季真降 四月宋金剛北走秦王追及尋相於呂

州大破之乘勝逐北一晝夜行二百餘里追及金剛於雀鼠

谷一日八戰俘斬數萬人王不食二日不解甲三日矣軍中

止一羊與將士分食之引兵趣介休金剛以眾二萬出西門

背城布陳南北七里李勣與戰小卻王率精騎擊之出其陣

背金剛大敗敬德尋相舉介州及永安降劉武周聞金剛敗

大懼棄并州走突厥金剛欲復戰眾莫肯從亦走突厥王入

并州武周所得州縣皆復金剛易州人既投突厥謀走上谷突厥追獲腰斬之五月

壬午屠夏縣 立老子廟於浮山之羊角山 六月赦晉隰

潞并四州 七月皇太子屯於蒲州以備突厥同上

四年二月赦代州總管府石嶺之北 四月突厥頡利率萬

騎與苑君璋合寇鴈門定襄王李大恩擊卻之 八月復寇

代州執行軍總管永安王孝基 是年太原尼志覺死十日

而蘇本紀突厥傳五行志代州志苑君璋傳劉武周死突

代州不克高祖遣使賜鐵券約不死君璋拒命進寇代州刺

史王孝德拒却之案孝德與大恩同一事而姓名參錯未審

孰是又案本紀是年八月突厥寇代州執行軍總管王孝基

孝基乃唐宗室永安王也紀脫永安字且据孝基傳事在武

德二年呂崇茂據夏縣時非執於突厥也本紀繫之四年又

以為在代州誤案通鑑書是年三月突厥寇汾陰考異云

突厥傳無南侵事及

五年四月代州總管李大恩進圖馬邑詔殿中少監獨孤晟

其擊之晟後約大恩不敢進屯新城頡利自將數萬騎與劉

黑闥合圍之大恩沒士死者數千人進擊忻州為李高遷所

破 七月突厥殺劉武周於白道 八月頡利率十五萬騎

入鴈門圍并州深鈔汾潞取男女五千秦王將兵出蒲州道

擊之并州總管襄邑王神符戰汾東斬虜五百首取馬二千

汾州刺史蕭觀獻俘五千頡利聞秦王且至引出塞

本紀突厥傳

六年六月馬邑將高滿政襲苑君璋殺突厥戍兵來降君璋

復與突厥寇馬邑滿政與戰破之詔以滿政爲朔州總管

七月秦王屯并州以備突厥 十月殺廣州總管劉世讓於

崞城

世讓戍崞城突厥惡其爲己患遣其臣曹般陀來言世讓與可汗通謀欲爲亂帝信之殺世讓

頡利大

發兵攻馬邑將軍李高遷背遁高滿政出兵禦之糧盡救未

至都虞侯杜士遠殺滿政以降突厥復請和親仍以馬邑歸

唐 秦王請增置屯田於并州之境從之

先是并州長史竇靜表請於太原置

屯田以省餼運議者以爲擾擾靜切論不已徵靜入朝與裴寂等相問難於帝前寂等不能屈乃從其議歲收穀數千斛

本紀通鑑

七年七月突厥寇朔州總管秦武通敗之 八月突厥請和

頡利遣使來願款北樓關互市

本紀突厥傳

八年頡利與代州都督簡藝戰新城藝敗績攻廣武爲任城

王道宗所破 七月秦王屯於蒲州李靖以兵出潞州道行

軍總管任瓌屯太行以備突厥 八月并州行軍總管張瑾

及突厥戰於太谷敗績鄆城都督張德政死之執行軍長史

溫彥博

列傳彥博爲虜所執虜以彥博職任機近問以國家兵糧虛實彥博不對虜遷之陰山

是年

河東旱

本紀

九年二月蒲州河清

五行志

太宗貞觀元年丁丑五月苑君璋以恆安來降

本紀

二年六月絳州刺史薛世良以隋守文化及之黨除名徙於

邊

本紀

三年八月李靖爲定襄道行軍大總管以伐突厥 十一月

并州都督李世勣爲通漠道行軍總管華州刺史柴紹爲金河道行軍總管任城郡王李道宗爲大同道行軍總管幽州都督衛孝節爲恆安道行軍總管營州都督薛萬徹爲暢武道行軍總管以伐突厥

上同

四年正月李靖進屯惡陽嶺夜襲頡利頡利驚退牙磧口大酋康蘇密等以隋蕭皇后楊正道降三月頡利保鐵山李靖襲擊之盡獲其眾頡利得千里馬獨奔沙鉢羅行前軍總管張寶桐擒之其國遂亡復定襄恆安地斥境至大漠秋遼州蝗九月堽長城南隋人暴骨剖頡利故地左置定襄都督右置雲中都督二府統之

本紀五行志突厥傳

八年七月汾州青龍見吐物在空中光明如火墮地地陷掘之得元金廣尺長七寸

五行志

十年河東疾疫命醫齋藥療之

同上

十一年九月丁亥河溢壞陝州河北縣毀河陽中渾幸白司

馬坂觀之賜瀕河遭水家粟帛

本紀

十二年二月癸亥如河北縣觀底柱丁卯觀鹽池庚午如蒲

州蒲州刺史趙元楷飾樓觀盛儲侍上怒曰此乃亡隋之弊

俗也

同上

十四年二月陝州河清 七月立李思摩為突厥可汗建牙

於故定襄城通鑑結社率之反言者多云突厥留河南不便

泥孰俟利苾可汗賜之鼓蘇使幸其種落還舊部突厥成憚

薛延陀不肯出塞上賜薛延陀書成以各守土疆薛延陀奉

詔於是遣思摩率所部建牙河北遣趙郡王孝恭薛延陀奉

萬馬於河上而始渡河牙於故定襄城其地南大河白道畜

牧廣行龍荒之最壤故突厥爭利之思摩遣使謝曰蒙恩立

門有落長資望世為國一犬守吠天子北

十五年三月澤州疫 十一月薛延陀寇邊李思摩不能禦
帥部落保朔州詔兵部尙書李世勣爲朔州道行軍總管以
伐之 十二月世勣敗薛延陀於諾真水斬首三千餘級捕
虜五萬餘人值大雪人畜凍死十八九世勣還軍定襄本紀
十七年正月代州都督劉蘭謀反伏誅 澤州疫本紀五
行志
十八年李思摩部落叛悉南渡河請處於夏勝之間上許之

同上

十九年秋沁州水害稼 伐高麗班師十二月戊申次并州

本紀

二十年正月庚辰赦并州起義時編戶給復三年後附者一
年 二月還京師賜所過高年鰥寡粟 汾州上言青龍白

龍見

本紀唐
會要

二十一年秋絳蒲等州旱

五行志

二十三年八月癸酉河東地震乙亥又震晉州尤甚壓殺五千餘人庚辰遣使存問給復二年賜壓死者人絹三匹

高宗本紀

五行志

高宗永徽元年

庚戌

四月己巳晉州地震

六月庚辰又震

絳州旱蝗

同上

二年十月辛卯晉州地震

十一月戊寅忻州地震

同上

五年六月癸丑蒲州汾陰縣暴雨漂溺居人浸壞廬舍

同上

顯慶五年

庚申

正月甲子如并州己巳次長平賜父老布帛

二月丙戌赦并州及所過州縣義旗初嘗任五品以上葬并州者祭之加佐命功臣食別封者子孫二階大將軍府僚佐存者一階民年八十以上板授刺史縣令賜醕三日甲午祠

舊宅 三月丙午皇后宴親族鄰里於朝堂會命婦於內殿
賜從官五品以上并州長史司馬勳一轉婦年八十以上版
授郡君賜氍毹粟帛已酉講武於城西 四月癸巳如東都
紀本

龍朔二年

壬戌

三月乙巳如河北縣辛亥如蒲州

同上

三年二月改燕然府爲瀚海都護府瀚海府爲雲中都護府

十月丙申絳州介山麟見

宏簡錄

麟德元年

甲子

正月改雲中都護爲單于大都護府以殷王旭

輪領之初李靖破突厥遷三百帳於雲中城阿史那德爲之

長至是部落漸服請立可汗以統之上曰今之可汗古之單

于也故更爲單于都護而使皇子殷王遙領之

案殷王中宗之初封也單

于府初在古雲中城後徙定襄在今和林格爾廳

咸亨元年庚午七月蒲州旱本紀

調露元年己卯十月單于大都護突厥阿史那溫傳及奉職二

部反立阿史那泥熟匄爲可汗二十四州首領並叛遣都護

長史蕭嗣業將軍花大智李景嘉等往討敗績王子發兵令

將軍曹懷舜守恆州井陘崔獻守絳州龍門以爲備禦十

一月裴行儉爲定襄道行軍大總管與營州都督周道務等

兵十八萬並西軍程務挺東軍李文騰等總三十萬以討突

厥宏簡錄

永隆元年庚辰三月裴行儉大破突厥於黑山擒其首領奉職

僞可汗泥熟匄爲其部下所殺傳首來降七月突厥餘眾

圍雲州都督竇懷哲將軍程務挺擊敗之上同

開耀元年辛巳五月定襄道副總管曹懷舜及突厥戰於橫水

敗績 九月壬戌裴行儉俘突厥溫傳可汗阿史那伏念以

獻乙丑敕定襄軍及諸道緣征官吏兵募

本紀

永醕元年

壬午

六月甲子突厥骨咄祿寇邊嵐州刺史王德茂

死之 秋嵐勝州免害稼千萬為羣食苗盡免亦不復見

十二月突厥骨吐祿等據黑沙城入寇并州代州都督薛仁

貴大破之

本紀五行志列傳

宏道元年

癸未

三月突厥寇單于都護府司馬張行師死之

四月程務挺為單于道安撫大使并討骨吐祿等

五月突

厥寇嵐州

本紀突厥傳

中宗嗣聖元年

甲申

五月突厥寇朔州大將軍程務挺敗之

本紀

垂拱元年

乙酉

二月突厥寇邊左玉鈴衛中郎將醕于處平為

陽曲道行軍總管以擊之 四月癸未處平及突厥戰於忻

州敗績同上

二年十二月免并州百姓庸調終其身同上

三年八月突厥寇朔州燕然道行軍大總管黑齒常之敗之

於黃花堆突厥傳

天授元年庚寅九月太后改國號曰周 十月丁巳給復并州

武興縣百姓子孫相承如漢豐沛本紀

長壽元年壬辰九月癸卯以并州爲北都元和志

聖歷元年戊戌八月突厥噶默寇邊司屬卿武重規爲天兵中

道大總管沙吒忠義爲天兵西道前軍總管幽州都督張仁

竄爲天兵東道總管左羽林衛大將軍李多祚右羽林衛大

將軍閻敬容爲天兵西道後軍總管以擊突厥本紀 元和志 天兵軍置

在太原府城內

二年四月魏元忠檢校并州大都督府長史天兵軍大總管

婁師德副之以備突厥同上

久視元年庚子三月夏官尙書唐奉一爲天兵中軍大總管以

備突厥 河東旱同上

長安元年癸酉并州文水縣猷水竭武氏并溢五行志

二年三月壬寅突厥寇并州 七月甲午突厥寇代州 九

月壬申突厥寇忻州同上

三年并州晉祠水赤如血五行志

神龍元年丁未二月復國號唐 十月癸亥幸龍門本紀

景龍二年戊申四月臨淄王兼潞州別駕 九月黃龍見於上

黨伏牛山之南岡舊唐書明皇別駕潞州州境有黃龍白日

得之前後符瑞

睿宗景雲二年辛亥正月甲戌并汾絳三州地震壞廬舍壓死

百餘人

志五行

元宗開元三年

乙酉

四月右衛大將軍郭虔瓘爲朔州鎮軍大

總管節度和戎大武并州之北等軍屯并州長史王峻副之

以備突厥

本紀突厥傳

四年六月癸酉大武軍子將郝靈佺殺突厥默啜

本紀

十一年正月己巳如并州降囚罪徒以下原之賜侍老物庚

辰次潞州赦囚給復五年以故第爲飛龍宮辛卯次并州改

并州爲北都癸巳赦太原府給復一年下戶三年元從家五

年版授侍老八十以上上縣令婦人縣君九十以上上州長

史婦人郡君百歲以上上州刺史婦人郡夫人二月壬子

祠后土於汾陰獲寶鼎因改汾陰縣爲寶鼎縣賜文武官階

勳爵帛 三月辛未至自汾陰免所過今歲稅上同

十二年五月太原獻吳馬駒兩肋各十六肉尾無毛 河東

旱帝親禱兩宮中設壇席暴立三日 八月潞州霜殺稼

九月蒲州旱

五行志開民疾苦

潞安府志是年帝封泰山還過潞州

封泰山十二月如東都

路安府志是年帝封泰山還過潞州

十五年晉州大水上同

二十年十月壬午如潞州丙戌中書門下盧巡幸所過丙辛

卯赦潞州給復三年賜高年粟帛 十一月辛丑如北都癸

丑赦北都給復三年庚申如汾陰祠后土大赦免供頓州今

歲稅賜文武官階勳爵諸州侍老帛武德以來功臣三品以

上一子官民酺三日 十二月辛未至自汾陰本紀

二十二年江淮河南轉運使裴耀卿於河口置輪場三門東

置集津倉西置鹽倉鑿漕渠十八里以避三門之險舟運自太原倉入渭輸關中凡三歲運米七百萬斛省餽車錢三十萬緡列傳

天寶元年

王

朔方軍節度使王忠嗣及奚戰於紫乾河敗之

遂伐突厥

本紀

十四年十一月安祿山反其將何千年殺河東節度使楊光翽以右羽林大將軍王承業爲太原尹右金吾大將軍程千里爲上黨郡長史以討祿山十二月祿山將高秀巖寇振武朔方節度副使郭子儀擊敗之乘勝拔靜邊軍秀巖來攻復大敗之遂圍雲中遣別將拔馬邑開東陁關本紀列傳肅宗至德元年丙申五月天寶十正月李光弼爲河東節度副大使以討祿山二月郭子儀引軍出井陘會李光弼及祿

山將史思明戰敗之十一月思明寇太原李光弼拒之

思明引兵十萬寇太原光弼麾下精兵皆赴朔方餘眾不滿

萬人至而諸將皆懼議先自困也乃帥士民於太原城周四十里

垂至而與役是先攻取城以盡其增壘得錢工三善穿地不道光弼募

軍中十萬及賊攻取城以盡其增壘得錢工三善穿地不道光弼募

梯土山以攻城光弼為十餘人死以迎之近城輒陷又作大礮飛

巨石一發輒斃二光弼為十餘人死以迎之近城輒陷又作大礮飛

外光弼造人詐為納降而穿地道者十二城輒陷又作大礮飛

千餘人出如降狀賊皆納降而穿地道者十二城輒陷又作大礮飛

二年二月戊子李光弼及安慶緒之眾戰於太原敗之斬首

七萬賊將蔡希德遁走三月郭子儀平河東賊將崔乾佑

敗走子儀大破賊於潼關崔乾佑退保蒲津時永樂尉趙復

四入密謀侯王師至則為內應及子儀攻蒲州復等斬賊守

陣者聞門納子儀乾佑與麾下數千人北走安邑安邑偽納

之兵半入懸門發乾佑脫身走發城北兵以九月丁丑安慶

拒官軍子儀擊之斬首四千級遂平河東以九月丁丑安慶

緒陷上黨郡執節度使程千里為賊將蔡希德所擒仰請從

騎語諸將善為守備案本傳賊攻城竟不克本紀書陷誤也當作寇

十月關內節度使王思

禮及安慶緒戰於絳郡敗之 十二月給復潞州五載

本紀

乾元二年己亥嵐州合河關河三十里清如井水凡四日

五行志

上元二年辛丑二月官軍敗績於邠山李光弼走保聞喜

列傳

寶應元年壬寅二月河東軍亂殺節度使鄧景山

絳州軍亂

殺朔方行營都統李國貞 三月以郭子儀為汾陽王知諸

道節度行營發京師粟帛數萬以給絳軍

絳州諸軍騷掠不

原亂軍合尉子儀鎮服之子儀至軍收突將王元振及其黨

數十人皆殺之太原節度辛雲京聞之亦按誅殺鄧景山者

鎮率皆奉法 四月史朝義寇澤州刺史李抱玉敗之

列傳

曲環以左清道率從抱玉屯河陽又自將 九月甲午泰州

兵守澤州破賊銳將安曉拜判林將軍

至隄州二百餘里河清澄澈見底 回紇舉兵入援渡太陽

津會雍王适討史朝義 本紀五行志通鑑

代宗廣德元年

癸卯

九月裴遵慶宣慰僕固懷恩於汾州

本紀

二年正月僕固懷恩寇太原使其子瑒圍榆次部下將焦暉白玉攻殺之懷恩走雲州以郭子儀爲河中節度使撫定其

眾 六月丁卯有星隕於汾州

同上

大厯二年

河東水災

五行志

七年晉州神山縣慶唐觀枯檜復生

同上

十年正月昭義軍兵馬使裴志清逐其節度使薛平叛附於田承嗣 四月河東節度使薛平訓等討田承嗣給復昭義

五年

同上

十二年十月度支韓滉奏解縣兩池生瑞鹽諫議大夫蔣鎮

馳驛按視表置祠號寶應靈慶池

食貨志見金石記

詳

十三年正月回紇寇并州河東節度使留後鮑防及回紇戰

於陽曲敗績 二月庚辰代州刺史張光晟及回紇戰於羊

虎谷敗之

本紀

德宗建中元年庚申八月振武留後張光晟殺回紇使者九百

餘人通鑑代宗之世九姓胡常冒回紇之名雜居京師殖貨

盛至振武留數月求資給踐禾稼人甚苦之留後張光晟奏

請殺之上不許光晟乃使副將過其館門故不為禮突董執

謀之光晟勒兵掩襲并羣胡盡殺之獨留二胡使歸國曰回紇

傳襲據振武故先事誅回紇請復仇上為之貶光晟為睦王

二年二月乙卯振武軍亂殺其使彭令芳及監軍劉惠光

霍山裂

本紀

興元元年甲子三月李懷光反自涇陽奔河中守將呂鳴岳不

能拒納之 七月遣給事中孔巢父宣慰河中懷光殺之

八月副元帥馬燧討懷光取晉慈隰三州 十月潞澤河東

等節度螟蝗爲害民饑僅每節度賜米五萬石 馬燧率步

騎三萬次於絳略定諸縣降懷光將馬萬興任象玉遂圍絳

拔外郭守將夜棄城去降四千人遣李自良定六縣降其將

辛旒收卒五千與賊戰寶鼎射殺賊將徐伯文斬首萬級獲

馬五百 十二月節度渾瑊及李懷光戰於乾陀敗之本紀列傳

貞元元年乙三月馬燧敗懷光兵於陶城斬首萬餘級分兵

會渾瑊通河中 八月馬燧取長春宮遂及諸軍平河中懷

光自縊死給復河中同絳二州一年同上

二年吐蕃陷鹽夏二州詔河東節度使馬燧爲綏銀麟勝招

討使燧次石州結贊懼乞盟吐蕃傳

三年七月奚室韋寇振武 是月河水黑五行志四年七月乙亥河自陝州至

河陰水色如墨云云未詳孰是

九年四月辛酉地震有聲如雷河中尤甚壞城壁廬舍地裂

水涌

同上

十二年四月嵐州暴雨水深二丈

同上

憲宗元和三年

戊子

六月詔置陰山府居沙陀部拜朱邪阿波

都督執宜兵馬使

沙陀傳

四年六月轉范希朝爲太原尹選沙陀驍勇者號沙陀軍其

餘眾徙定襄城

十二月羣烏夜集於太行山上

沙陀傳五行志

五年六月奚回紇室韋寇振武軍

本紀

六年四月盧坦奏經度振武天德營田凡經四年開墾四千

八百頃收穀四千餘萬斛歲省度支錢二十餘萬緡

通鑑

七年正月癸酉振武河溢毀東受降城

本紀

八年十月壬辰振武奏回紇千騎至鵲鶻泉庚寅振武軍亂

惡李進賢不恤士卒屠其家轉夏州張煦以代兵二千赴鎮

許便宜擊斷

宏簡錄

九年正月河東節度王鐸遣兵會張煦於善羊柵煦入軍府

誅亂首蘇國珍等

同上

十二年六月河中潞澤晉隰水害稼

五行志

穆宗長慶九年辛丑八月命裴度充幽鎮兩道四面行營招討

安撫使九月度自將出承天軍故關

通鑑

四年絳州野坊害稼

五行志

文宗太和元年丁未夏河中旱秋河東野坊害稼十一月

丙寅河中薛平奏虞鄉縣有白虎入靈峰觀

同上

四年秋七月太原饑八月太原柳公綽奏雲代蔚三州山

谷間石化爲麪人取食之

同上

五年太原旱

同上

六年秋河中絳州旱

同上

七年正月壬子京兆府振開輔河東同華陝號晉州各粟十

萬石河南河中絳州各七萬石並以常平義倉物充

紀本

九年河中陝州旱

同上

開成元年

丙辰

河中蝗害稼

同上

二年夏昭義蝗

七月振武奏党項并突厥各入剽掠節度

使劉沔擊退之

同上

武宗會昌元年

辛酉

五月潞州市火長子有白頸烏與鵲鬪

八月回鶻烏介特勒率太和公主告本國為黠戛斯所攻部

落破散款天德塞 天德軍使奏回鶻潰兵侵逼西城詔振

武節度劉沔屯雲迦關以備之

通鑑

二年春代州崞縣羊生二首連頸兩尾 三月遣使册立烏

介可汗河東奏修杷頭烽舊戍以備回鶻李德裕奏修東中

二受降城以壯天德形勢從之 七月嵐州人田滿川據州

叛劉沔討誅之 八月烏介率眾過杷頭烽俘掠雲朔等州

詔發六鎮之師以劉沔爲招討會軍太原以討之 九月振

武節度使李忠順及歸義軍李思忠與回鶻戰敗之

五行志通鑑

三年正月烏介侵逼振武劉沔遣麟州刺史石雄帥沙陀朱

邪赤心三部襲其牙帳自引大兵繼之雄至振武登城望回

鶻見公主帳遣諜請公主駐車勿動乃鑿城爲十餘穴引兵

夜出直攻可汗帳烏介大驚棄輜重走進軍追擊大破之於

殺狐山斬首萬級降部落二萬烏介被創走保黑車子族迎

公主至雲州 四月昭義節度劉從諫卒子稹自稱留後詔

諸道發兵討之 六月河陽帥王茂元遣兵馬使馬繼等將步騎二千屯天井關南科斗寨稹遣衙將薛茂卿將兵拒之 八月茂卿破科斗寨馬繼被擒又焚掠小寨十七 九月以天德將石雄爲晉絳行營招討使仍令分兵翼城以備侵軼雄卽日引兵踰烏嶺破五寨殺獲千計 十二月河陽行營攻討使王宰引兵攻天井關茂卿佯走遂克之關東西寨聞之皆退走

薛茂卿以科斗之功忽稹賞薄密與宰通宰克天井關茂卿入澤州密使謀召宰進攻當爲內應宰疑不敢進稹誘茂卿殺之

河東節度使李石奏克石會以劉公直代茂卿宰進擊拔之

關榆社行營兵馬使王逢請益師詔以太原兵二千赴之

是冬沁源桃李華

同上

四年正月河東都將楊弁潛通澤路殺軍將據軍府石會關復陷李石奔汾州詔王逢留太原兵守榆社以易定汴兗兵

還討弁榆社戍兵聞朝廷令客軍取太原恐妻孥爲所屠滅擁監軍呂義忠自取太原擒楊弁盡斬其亂卒 二月石雄

拔良馬等三寨一堡王逢破稭將康良佺良佺退屯鼓腰嶺

石會關仍降 四月王宰攻澤州 七月遣王逢屯翼城

八月昭義將郭誼斬劉稭以降詔石雄將七千人入潞州以

應謠言

初潞州市有男子磬折唱曰石雄七千人至矣劉從諫以爲謠言斬之

轉襄州盧鈞昭

義節度兼招撫使懷柔餘黨雄至潞州盡執誼等送京師諸

道及劉公直王協安全慶李道德李佐堯劉武德董可武鈞

并母裴氏弟姊從兄各四及伎術人郭諗將黨皆斬之

通鑑

入潞州厚撫其民人情大洽一郡獲安

五年七月詔毀天下佛寺僧尼並勒歸俗五臺山僧多亡奔

幽州定上州留寺一所僧十人下州寺並廢所留僧改隸鴻臚不屬祠部

八月詔發昭義兵

戍振武潞卒素驕憚於遠戍閉門大譟盧鈞奔潞城亂兵奉

都將李文矩爲帥文矩以禍福諭乃聽命遣人謝鈞鈞還復遣之戍行一驛乃潛選兵追而殺之同上

宣宗大中元年丁卯五月吐蕃誘党項及回鶻餘眾寇河西詔

河東節度使王宰及沙陀軍擊破之本紀

三年十月辛巳振武河西天德等處地震壞廬舍壓死數千

人五行志

六年六月以河東節度李業縱吏民侵掠雜蕃妄殺降者邊境擾動詔盧鈞代爲節度使鈞奏度支郎中韋宙爲副使徧詣塞下悉召酋長諭以禍福邊境復安列傳

八年正月陝州河清五行志

十二年八月丁巳太原地震同上

懿宗咸通四年癸未十二月乙酉昭義節度沈詢之奴歸秦結

牙將作亂攻府第殺詢

公傳錄

五年冬隰石汾等州大雨雪平地深五尺

五行志

六年正月絳州大風拔木有十圍者 十二月晉絳二州地

震壞廬舍地裂泉湧泥出青色

同上

八年正月丁未河中晉絳地大震

同上

十一年沁州縣上牡馬生子

同上

十三年四月晉陽民家有嬰兒兩頭異頸四手聯足

同上

僖宗乾符三年中河東諸州多鼠穴屋壞衣

同上

四年十月河中軍亂逐節度使劉侔以京兆寶璟為河中宣

慰制置使旋授節度

本紀

五年二月大同軍亂殺防禦使段文楚推李克用為留後沙

陀兵馬使李盡忠陷遮虜軍 五月河東節度使寶澣遣都

押牙康傳圭發土團兵屯代州將發求賞辭以府藏空竭遣
都虞侯鄧虔往慰殺之除曹翔代鎮河東捕殺亂首十三人
秋大霖雨汾澮及河溢流害稼 七月沙陀兵焚唐林岢
縣入忻州境 八月攻陷岢嵐軍外城敗官軍於洪谷晉陽
閉門城守 十月詔昭義李鈞幽州李可舉與吐渾酋長安
慶薩葛酋長米海萬合兵討沙陀於蔚州 十一月沙陀攻
石州代北行營招討崔季康救之 十二月季康李鈞及李
克用戰於洪谷敗績鈞死之

本紀五行
志通鑑

六年二月辛未崔季康回軍至靜樂士卒作亂奔歸太原爲
都將張鐇郭肫所殺轉邠甯李侃爲節度使河東將賀公雅
部卒掠三城作亂稱報冤將焚張鐇郭肫之家李侃收繫臨
刑泣言殺季康皆捕盜司軍士復取還侃收族捕盜司元義

宗等三十餘家而令朱致爲三城斬使將兵捕殺報冤將

補公雅都虞候軍城始定侃稱疾赴京以東都留守李蔚代

鎮河東是年十月蔚有疾都虞候張錯郭肅推少尹丁球知

殺張錯郭肅後十一月以行軍司馬康傳圭爲節度使傳圭乃

肅族其家廣明元年庚子正月免河中河東稅賦十之四沙陀入雁門

關至忻州進逼太原二月辛亥陷太谷河東節度使康傳

圭遣將伊釗張彥球蘇宏軫往拒宏軫敗還斬之軍士素惡

傳圭貪暴因而作亂殺之奉彥球爲都虞候朝廷以太原兵

驕拜鄭從讜爲節度使獨推亂首殺之召彥球諭委以兵柄

河東遂安四月以太僕卿李瑋爲蔚朔等州行營都統諸

葛爽爲振武節度以副之與李可舉赫連鐸共擊沙陀鐸說

降朔州將高文集執沙陀將傅文達其酋長李友金米海萬

史敬宗皆降克用自雄武軍引還擊文集可舉司馬韓元紹破之於藥兒嶺國昌兵亦敗父子亡入達靼 十一月河中

都虞侯王重榮逐其節度使李都

本紀列傳沙陀傳

中和元年辛丑三月代北監軍陳景思請赦李國昌克用罪立功討賊李友金齋詔赴達靼 五月李克用募達靼萬人趨

代州將南道太原節度使鄭從諱塞石嶺關不得前克用僂道至太原營城下五日邀糧費從諱不答戰於晉王嶺陷陽曲榆次還屯代州 秋河東早霜殺稼 八月昭義節度爲

賊將李詳戰敗奔歸牙將成麟殺之據有潞州九月天井關

成將孟方立殺成麟自稱留後

本紀通鑑

二年九月太原諸山桃花有實 十月河中節度使王重

榮傳詔招克用同討黃巢克用將部落萬七千騎自嵐石路

趨河中獨以數百騎過晉陽城率幣馬遺鄭從讜從讜升陴

慰勉歸貨幣饗餼遂自陰地趨晉州會河中

五行志沙陀傳

三年秋晉州地震十月李克用遣李克修擊孟方立取潞

州刺史李殷銳死之詔以克用代鄭從讜爲河東節度使

從讜行黃頭軍以糧少劫其資從讜間走絳州方道梗不通

數月乃達長安

本紀列傳

光啟元年乙巳四月田令孜自領安邑解縣兩池權務并鹽鐵

使王重榮訴言河中地窘悉藉鹽課供軍奏之不已詔乃徙

重榮秦甯王處存河中重榮自負興復功不奉詔九月田

令孜遣朱玫李昌符攻河中重榮求救太原十月李克用

率師南山陰地關是年隰州溫泉民家有死者旣葬且半

年行人聞聲呼地下其家發之則復生歲餘乃死河東有牛

人言其家殺而食之河中永樂解縣生草葉自相膠結如旌旗之狀時人以爲旗子草占曰其野有兵陝州平陸集津山有雉二首向背而連頸者棲集津倉廡後數月羣雉數百來鬪殺之

列傳五行志

二年夏河東積陰六十日 六月朱玫謀立襄王溫溫遣使至晉陽賜克用詔克用燔其詔囚使者移檄進討 十二月朱玫伏誅襄王奔河中王重榮執殺之上

同

三年六月河中節度王重榮爲牙將常行儒所殺推其兄重盈爲留後子洪權知陝虢重盈至行河中執殺行儒

藩鎮傳

昭宗大順元年戊寅二月李克用將兵攻雲州克其東城防禦使赫連鐸求救於盧龍李匡威將兵三萬赴之克用引還四月赫連鐸李匡威朱全忠同上表請討克用詔以張浚爲

招討制置使孫揆為副會諸道兵討之 五月招義軍將安

居受殺其節度使李克恭附於朱全忠李克用遣康君立李

存孝將兵圍之詔以孫揆領昭義節度 八月李克用執招

討副使孫揆以歸殺之 七月官軍至除地關朱全忠遣驍將

犯圍入城又遣別將李罕之於澤州奏請遣孫揆赴鎮張審

亦恐昭義遂為汴人所據使揆將兵二千趣潞州八月發晉

州李存孝聞之以三百騎伏於長子西谷中禽揆及中使韓

歸範獻於克用欲以揆為河東副使揆大罵克用鋸殺

之 九月朱全忠遣兵圍澤州李存孝與戰破之復取潞州

十月李克用遣兵拒官軍於趙城官軍潰張潛韓建遁還

遂取晉絳二州大掠慈隰之境 沙陀傳匡威鐸並吐蕃結夏

劉胡于克用乃屯渾河川存孝與薛平戰樂安驛敗走薛平

地關墜汾陂薛平鐵山李承嗣營洪洞迎戰存孝次趙城韓建

夜出州未下晉州刺史張行恭棄城走建與潘道還

二年七月李克用悉兵攻雲州以騎將薛阿檀為前軍設伏

河上赫連鐸縱騎追之遇伏而奔鐸亡入吐渾克用取雲州

以部將石善友爲刺史

沙陀傳

景福元年

壬子

二月赫連鐸自吐渾合李匡威以眾八萬攻天

成軍克用飛檄發軍太原匡威已壁雲州北郊克用自神堆

引軍夜入雲州死戰走之

同上

乾甯元年

甲寅

六月李克用大破吐谷渾殺赫連鐸

沙陀傳克用至新城

鐸行詣軍門降克用鞭而殺之

本紀則云爲克用所殺

二年三月河東地震山摧五月李克用拔絳州殺刺史王

瑒七月丙辰克用自河中舉軍渡河討三鎮十二月進

克用爵晉王

五行志沙陀傳

四年二月保義軍節度使攻河中王珂李嗣昭援珂再戰再

敗之琪解圍去

沙陀傳

光化元年

戊午

十二月昭義節度薛志勤卒李罕之引澤州兵

夜入潞州據之降於朱全忠晉王克用遣李嗣昭取澤州收

罕之家屬送於晉陽

同上

二年二月李罕之陷沁州

三月朱全忠陷澤州其將葛從

周攻河東拔承天軍氏叔琮救遼州晉王克用遣周德威禦

之戰於洞溝禽其驍將陳章因擊叔琮大破之從周亦引還

八月李嗣昭討潞州拔之

先是克用遣李若慶圍潞州朱全忠遣張存敬救之若慶解圍去克用誅若慶以李嗣昭代之李罕之死全忠使賀德倫守

潞州嗣昭日以鉞騎環其城捕芻牧者附城二十里禾黍皆刈之德倫有逆

倫有逆

三年二月晉王克用大治晉陽城塹

十月朱全忠陷定州

義武軍節度使王郛奔太原

本紀沙陀傳

天復元年

辛酉

正月戊申朱全忠陷絳州王子陷晉州 二月

戊辰陷河中執護國軍節度使王珂 三月辛亥昭義節度

使孟遷叛附於朱全忠 四月壬子全忠陷沁澤二州丁巳

遼州刺史張鄂叛附於全忠

沙陀傳全忠取晉絳潞河中王珂告急使相望汴人扼空道晉

兵不得前遂虜珂珂妻克用女不能救全忠遂有河中克用朝貢道亦便全忠知克用進不擬乃大舉攻太原分遣銳將氏叔琮等率兵環入之晉城邑多下會大雨汴兵糧乏士瘡痍遂解

二年二月晉王克用率兵趨平陽攻吉上堡破汴軍於晉州

李嗣昭周德威下慈隰進屯河中汴將朱友誨以兵十萬壁

其南全忠自屯晉州時有虹貫德威營氏叔琮薄壘突圍晉

兵大敗仗械輜儲皆盡友誨長驅略汾慈隰州皆下三月遂

圍太原攻西門德威嗣昭循山挈餘眾得歸克用身荷版築

率士拒守嗣昭夜擾友誨營汴人驚引去德威追之抵白壁

關復收慈隰汾三州

沙陀傳

三年晉王克用攻晉州聞帝自鳳翔還京師乃去雲州都將王敬暉殺刺史王再立以地予劉仁恭李嗣昭討之仁恭援敬暉嗣昭壁樂安欲戰仁恭取敬暉棄城去同上

四年三月晉王克用以藩鎮皆附汴不可與共功惟契丹阿保機尚可川乃卑辭召之保機身到雲中與克用約爲兄弟留十日去遺馬千匹牛羊萬計期冬大舉渡河會昭宗弑而止同上

昭宣帝天佑三年丙寅十月劉仁恭求救於晉王遣兵三萬詣晉陽克用遣周德威李嗣昭將兵與之攻潞州十二月昭義節度使丁會以潞州降河東克用以嗣昭爲昭義留後同上

四年丁卯梁開平元年晉岐四月帝遜位於朱全忠淮南皆承用唐天祐年號唐

亡 五月梁以兵十萬攻潞州嗣昭閉城固守內外隔絕晉王聞之遣周德威救之壁於高河梁將康懷貞擊之不克梁遣李思安代之乃築夾寨防衝突遇救援調山東民饋糧德威以輕騎鈔之思安自東南山口築甬道屬於夾寨德威與諸將互往攻之一日數十發梁兵疲於奔命閉壁不敢出

八月隰州黃河清

冬晉王有疾太原城門自壞

通鑑五行志

五年正月晉王李克用薨子存勖嗣 三月周德威自亂柳還軍太原 梁主如澤州 四月梁主復至澤州 晉王自將趨潞州五月至潞之三垂岡值晨霧直抵夾寨梁將士尙臥乃分兵填塹燒寨鼓譟而入梁兵大潰南走圍遂解初克用破孟方立還置酒三垂岡存勖在側方五歲克用指而笑曰此奇兒也後二十年能代我戰於此乎至是過三垂岡歎

曰此先王置酒處也果破梁 九月周德威攻晉州敗梁軍

於神山

五代史記

六年三月甲戌梁主如河中

梁本紀

七年晉王自將至陰地關遣周德威攻晉州敗梁軍於蒙阮

通鑑

九年

壬申 梁乾化二年

八月梁朱友謙以河中降晉梁遣康懷英討

友謙晉軍與戰於白涇嶺敗之上

同

十一年晉殺燕王劉守光於太原命李存霸執守光父仁恭

至雁門刺其心血祭先王墓然後斬之上

同

十二年

乙亥 梁貞明元年

二月魏博二州叛於梁附晉晉王引兵自

黃澤嶺東下

梁軍襲太原晉故將安金全擊卻之會昭義

軍救至梁兵敗走

梁匡國節度使王植密疏請發關西卒襲晉陽遂發河中陝同華諸鎮兵合三萬出

陰地關奄至晉陽城下晝夜急攻城中無備發諸司丁匠及驅市人乘城拒守城幾陷者數四張承業大懼代北故將安金全退居太原往見承業曰晉陽根本之地若失之則大事去矣僕雖老病請以庫甲兒授爲公擊之承業卽與之金全帥其子弟及退將之衆得數百人夜出北門擊梁兵於馬城內梁兵大驚引卻昭義節度李嗣昭聞晉陽有寇遣牙將石君立將五百騎救之君立朝發上黨夕至晉陽梁兵扼汾橋君立擊破之徑至城下大呼曰昭義侍郎大軍至矣遂入城夜與金全分出諸門擊梁兵梁兵死傷十二三詰朝王植引兵大掠而還六月晉王與梁將劉鄩相持於魏縣鄩以晉兵在魏太原必虛乃潛引軍自鄴而北由黃澤嶺西出會陰雨黃澤道險堇泥深尺餘士卒援藤葛而進皆腹疾足腫死者十二三晉人覺之先爲之備鄩不能進至樂平而還

同上

十二年八月契丹阿保機領軍犯邊眾三十萬攻振武節度使李嗣本嬰城拒戰者累日契丹爲火軍地道晝夜急攻城中兵備禦罄竭城陷嗣本死舉族入契丹

遼史神冊元年八月收晉朔州擒振

武節度使李嗣本勒石紀功於青家南十月乘勝而東十一月
月盟其地案所云振武軍即唐之單于府也自為契丹所
山後唐始別置軍於朔州遼史謂拔朔州因後來振武軍在
朔州奉誤實則是秋大舉未嘗踰雲應而南也五代史記
契丹寇邊遣其將安端攻雲州及西南諸郡
十五年正月契丹寇邊遣其將安端攻雲州及西南諸郡

錄

十七年十月契丹攻天德節度使宋瑤降更其軍曰應天瑤

尋拒命契丹攻陷之禽瑤並其家屬徙天德民於陰山南

十九年壬午四月昭義節度使李嗣昭戰死鎮州晉王

命其子繼能擁喪歸潞州子繼韜詐令士卒劫已為留後

右唐

後唐莊宗同光元年癸未梁龍德三年十月亡四月己巳即位於晉陽

大赦改元國號唐以太原為西京李繼韜以潞州叛降於

梁梁改昭義曰匡義昭義舊將裴約守澤州不降梁遣兵攻之 八月梁兵陷澤州守將裴約死之 十一月復太原爲

北都 十二月李繼韜伏誅繼韜之弟繼達殺其兄繼儻於

潞州儻弟繼珂募市人討繼達殺之

五代史記本紀義兒傳

二年三月發潞州軍戍涿州將楊立聚眾焚掠自稱留後求節鉞詔李嗣源討之 五月嗣源克潞州楊立伏誅詔以潞

州城池高深守將屢叛夷之

本紀

明宗天成四年

庚辰

四月

契丹寇雲州

五月復寇雲州

同上

長興元年

庚寅

四月

河中節度使潞王從珂閱馬黃龍莊其衛

內指揮使楊彥溫閉門拒之王止於虞鄉尋歸京師西京留

守索自通侍衛步軍指揮使討彥溫殺之

同上

末帝清泰元年

甲午

九月契丹寇雲州拔河陰略地至靈邱

遼史

三年六月都招討使張敬達副使楊光遠以兵五十萬圍太

原

師至太原圍長城連攝雲梯飛礮以攻之所
爲城柵將成輒有大風雨水暴至以壞之

石敬瑭遣使

求救於契丹

九月契丹德光自雁門入旌旗相屬五十餘

里乙亥次太原敬達陣於西山契丹以羸騎三千革鞭木鞭

人馬皆不甲冑以趨唐軍唐軍爭馳之追至汾曲伏發唐兵

斷爲二死者萬餘人敬達收軍柵晉安契丹圍之

十月詔

遣趙延壽以兵二萬屯團柏谷范延光以兵二萬屯遼州幽

州趙德鈞以所部兵萬趨延壽軍合勢進擊皆逗留不進

十一月丁酉契丹立石敬瑭爲晉皇帝設壇晉城南冊命之

閏月楊光遠殺張敬達以其軍叛降於契丹契丹兵圍敬

達者自晉安寨南長百餘里闊五十里敬達軍中望之但見

穹廬連屬如同阜四面互以毛索掛鈴爲驚縱犬往來敬達

軍中有夜出者輒爲契丹所得由是閉壁不敢復出延壽等
皆有二心無救敬達意敬達猶有兵五萬人久之食盡削木
篩糞以飼其馬馬死者食之已而馬盡副招討楊光遠斬敬
達首以降契丹 趙德鈞等諸援軍將遁契丹夜發兵追擊
德鈞等皆投戈棄甲自相踐蹂擠於川谷不可勝數兵度團
柏谷追及德鈞父子率眾降壬申契丹至潞州班師辛巳晉
帝至河陽命收瘞戰沒士卒於汾水上築爲京觀十二月庚
寅契丹發太原庚戌至應州唐大同彰國振武三節度使迎
見留之不遣

通鑑

晉高祖天福二年

丁酉

通鑑

遼太

正月遼主次堆子口唐雲州

判官吳巒集兵治具閉城自守不受割地之命遼以兵圍之
半歲不能下帝召巒歸

通鑑

五年六月遼振武軍節度副使趙崇逐其節度使耶律盭里
以朔州內附遼主命宣徽使褒古只以兵圍之褒古只奔至朔州守者堅
壁弗納命帥以晉貢物賜攻城將殺十二月遼攻拔朔州遣指揮使諸里勞軍
以褒古只戰沒城下誅城中丁壯仍以叛民上戸三十爲褒
古只部曲遼史

出帝開運元年甲辰遼會同八年正月契丹入雁門寇代州以高行

周爲北面行營都部署以禦之九月代州刺史白文珂及

契丹戰於七里烽敗之本紀

三年九月辛丑行營馬軍排陣使張彥澤及契丹戰於新興

敗之癸卯河東節度使北京留守劉智遠及契丹戰於朔州

敗之上同

漢高祖天福十二年丁未遼四年通爲十二年遼世宗天祚元

年二月戊辰河東行軍司馬張彥盛等上牋勸進辛未即皇

帝位武節都指揮使史宏肇取代州殺其刺史王暉晉州

將藥可儒殺其守將駱從朗及括錢使諫議大夫趙熙來歸

三月丙戌朔蜀河東雜稅四月史宏肇取潞州又取澤

州五月次絳州刺史李從朗來歸

本紀

隱帝乾佑元年

戊申高祖所改元是年正月崩遼天祚四年

三月護國軍節度

李守貞反陷潼關永興趙思綰鳳翔王景崇皆叛附之遣白

文珂郭從義常思等分討久無功乃加拜郭威同平章事使

西督諸將八月威至河中柵其城東思柵其南文珂柵其西

調五縣丁二萬人築連壘以護三柵

同上

二年七月郭威克河中守貞數出兵擊壞連壘威輒補之守

貞輒復出擊每出必有亡失久之城中兵食俱盡威乃治攻

具爲期日四面攻之破其羅城守貞與妻子俱焚死思紹景

崇相次降

同上

北漢世祖乾佑四年辛亥 承用舊號 是歲周太祖正月

戊寅卽位於晉陽 丙戌發兵屯陰地黃澤圍柏以子承鈞

爲招討使與副使白從暉都監李存瓌將兵萬人侵周晉州

二月戊戌攻晉州周節度使王晏閉城不出將士蟻附登

城晏伏兵奮擊師敗績癸卯移軍攻隰州周刺史許遷遣指

揮使孫繼業迎戰於長壽村執牙將程筠殺之師薄城攻數

日不克遂引還 九月招討使李存瓌自團柏谷擊周遼主

欲引兵來會與諸將議於九十九泉 十月辛卯與周潞州

巡檢使陳思議戰於虜亭敗績甲辰遼遣彰國節度使蕭瑀

厥率兵五萬來會帝帥兵二萬出陰地關攻晉州軍於城北

三面置寨周巡檢使王萬敢指揮使史彥超何徽共拒之

十一月周王峻引兵救晉州晉州南有蒙阮最險要峻意必

有兵分扼及聞前鋒已度蒙阮喜曰吾事濟矣帝攻晉州久

不克大雪軍乏食契丹兵思歸聞峻至燒營宵遁峻入晉州

遣都將仇宏超等追及於霍邑縱兵奮擊師大敗墜崖谷死

者無算契丹兵至晉陽軍馬什喪三四瑀厥恥無功釘大將

一人於市旬日而斬焉十國春秋

五年二月周府州防禦使折德辰陷岢嵐以兵戍之六月

以周人犯邊求救於遼遼遣右相高模翰赴太原九月遼

朔雲州嘉禾四莖二穗十二月及遼高模翰圍周晉州同上

六年三月遼主如應州擊鞠六月周河南北諸州旬日無

鳥旣而聚澤潞之間山谷中集於林木壓樹折枝遼史帝紀五代會要

七年

甲寅 周世宗顯德元年

二月帝以周主新立將大舉伐之遂遣政

事令楊衮將鐵騎及奚諸部兵五六萬人號十萬來會於晉

陽帝自將兵三萬以白從暉爲行軍都部署張元徽爲前鋒

都指揮使與契丹兵南出團柏丁巳屯梁侯驛昭義節度使

李筠遣軍逆戰於太平驛元徽斬其將穆令均筠遁歸上黨

三月進逼潞州引兵而南與周帝遇於高平南帝以中軍

陣於巴公原張元徽居東偏楊衮軍西偏周師亦列爲三陣

李重進白重贊將左樊愛能何徽將右向訓史彥超居中央

張元徽以禁兵衛周帝帝麾元徽戰周主介馬自督戰衮望

可輕動帝奮聲曰時不可失請公勿言衮怒而去時東北風

方盛俄而轉南風副樞密使王延嗣使司天監李義白帝云

時可戰矣帝從之號令東偏先進王得中叩馬諫曰義可兵
斬也南風勢急非北軍之利宜少待帝怒卽麾元徽戰兵
始交周將愛能微引騎兵先遁右軍潰於是步卒數千餘人

棄甲來降元徽呼萬歲聲振山谷敵大駭周帝赫怒躍馬入陣引五十人直衝帝之牙帳帝方張樂飲酒示閒暇及其奄至殊驚惶失次周將趙匡允馬仁瑀及永德等推鋒陷陣勢不可遏帝趣元徽進兵會馬贖爲周兵所殺帝自麾赤幟收軍軍蹙退不能止互相踐蹂遂大敗曰暮帝收餘兵萬人阻澗而守時劉詞將周之後軍未至及戰已勝而詞軍繼至復乘勝來擊王延嗣死之帝又大敗輜重器甲乘輿服物皆爲周人所獲 丁酉周帝至潞州帝自高平被褐戴笠乘契丹所贈黃驢率百餘騎由鵬窠嶺間道馳去夜失道山谷間得村民爲鄉導誤趣晉州行百餘里乃覺遂殺導者晝夜兼行僅得循他道以歸帝疑爲黃驢治麻飾以金銀食以三品料號自在將軍楊衮按兵西偏不戰故獨全軍而還將其眾北屯代州 四月周符彥卿

郭崇等自潞州入王彥超韓通自陰地關入乙卯汾州防禦使董希叛降於周丙戌遼州刺史張漢超叛降於周辛酉憲州刺史韓光愿嵐州刺史郭言舉降彥卿壬戌王彥超陷石州執刺史安彥進癸亥沁州刺史李廷誨降周庚午周帝發潞州趣太原癸酉忻州監軍李勅叛殺刺史趙皋及遼通事楊耨姑舉城降周周以勅爲忻州刺史周主初遣符彥卿內下泊師入境百姓爭言我國賦役過重願供軍需攻太原周主始有兼井意旣而周諸軍數十萬剽掠不已百姓失望更保聚五月乙亥遼遣南院太王撻裂來援丙子周帝至太原代州防禦使鄭處謙舉城降周置靜塞軍於州以處謙爲節度使丁酉撻裂敗符彥卿於忻口代州將桑珪等誣處謙通遼殺之時王得中自遼反留代州珪並執送於周軍周將史彥超與遼戰死晉陽城方四十里周師去城三百步圍之

帀百計攻之不能克彥卿既數爲契丹敗彥超復以身殉周
帝於是徵懷孟蒲陝丁夫數亟攻城會久雨士卒皆罷病六

月引還盡棄所得州縣惟桑珪據代州不下帝遣兵攻拔之

十一月奏忻代二州之捷於遼

同上 是月帝疾革命

睿宗乾佑九年

鈞以八年卽位不改元 遼應歷六年

周四月葬神武皇

帝於交城北山

春秋

天會元年

丁巳

遼應歷七年

七月初立七廟於高祖舊第號

顯聖宮

十一月遼遣大同節度使侍中高勳將兵會李存

壤擊周至潞州城下而還

同上

二年正月師攻隰州周建雄節度使楊廷璋權知州事李謙

溥募死士夜襲入營師驚潰遂解還 六月周昭義節度使

李筠攻石會關拔六寨乙卯李謙溥陷孝義

同上

三年五月周李重進將兵自土門來侵與戰於百井敗績

六月李筠攻邈州陷之執刺史張丕以歸楊廷璋侵邊失堡

寨十有三同上

四年庚申正月周禪位於宋宋太祖建隆元年四月周昭義節度使

李筠起兵拒宋殺澤州刺史據其城遣使稱臣乞兵為援帝

自將出團柏谷至太平驛封筠為西平王使宣徽使盧贊監

其軍帝將行羣臣儀於汾水僕射趙華獨言筠舉事輕易未

受郭氏恩不敢受死帝與周世宗亦不悅其說遂使盧贊監

其軍筠心益不平與贊多不協乃留長子居節居潞而自引

平章事衛融和解之五月癸卯宋將石守信敗李筠於

長平丁巳宋帝親征筠丁卯石守信高懷德大破筠兵盧贊

死焉筠走保澤州宋帝列柵圍之六月辛未澤州陷李筠

赴火死帝懼引師歸乙酉宋帝攻潞州丁亥筠子守節以潞

州降宋 宋兵圍石州帝遣使告遼遼詔阿剌率四部來援
復命蕭思溫以三部兵助之 九月宋昭義節度使李繼勳
侵平遙縣俘獲甚眾 十月宋晉州兵馬鈐轄荆罕儒襲汾
州敗死

同上

五年七月宋晉州神山縣北谷中有鐵隨水流出方二丈三
尺其重七十觔 十二月宋李繼勳敗太原之師於遼州執

遼州刺史傅廷彥及其弟勳

宋紀十
國春秋

六年二月師侵晉鄆三州爲宋守將所敗 四月宋命郭進
控西山武守琪戍晉州李謙溥守隰州以備邊是月太原民
潛逃降宋者四百七十人 七月樸生指揮使路貴等十一
人降宋宋並補內殿直 是年宋河中府隰州春夏不雨晉
州民家生魃潞州大雨雹蒲晉慈皆饑振之

同上

七年

宋乾德元年

八月宋王全斌侵邊攻樂平指揮使王超散指

揮使元威侯霸榮率所部千八百人降之侍衛指揮使蔚進馬軍都指揮使郝貴超與契丹悉兵往救三戰皆敗績樂平遂陷宋改樂平爲平晉軍以降卒爲效順軍賜以錢帛由是靜陽十八砦相率降宋九月會契丹兵攻平晉宋西山巡檢郭進將兵來擊契丹兵遂引歸是年宋絳州蝗晉絳蒲並饑發廩振之同上

八年二月宋遣曹彬會李繼勳及康延沼尹訓率兵攻遼石二州帝遣郝貴超往援戰於遼州城下大敗遼州刺史杜延翰指揮冀進都監侯善籍部兵三千人舉城降宋王子遼西南面招討使撻烈以六萬騎來援王申敗宋兵於石州三月耀州團練使周審玉等四人叛降宋宋賜審玉名承緒以

爲左千牛衛大將軍領汾州團練使 四月宋河中府旱饑

六月宋潞州風雹同上

十年正月宋安國軍節度使羅彥壤等侵邊敗守將鹿英於

靜陽執英以歸同上

十一年戊辰宋開寶元年三月招收指揮使閻章以石盆砦詣宋鎮

州降 四月鴻唐砦招收指揮使樊暉殺監軍成昭叛降宋

同上

十二年正月偏成砦招收指揮使任恩等百五十人詣宋晉

州降 三月宋鎮州守將侵邊破馬鞍山砦 七月烏玉砦

主胡遇等三百三十九人詣宋鎮州降 帝得疾臥勤政閣

召郭無爲以後事昇之戊申遂殂養子繼恩立是爲少帝

八月宋遣內客省使盧懷忠等二十二入將禁兵赴潞州以

李繼勳爲前軍都部署党進副之曹彬爲都監何繼筠爲前
鋒部署趙贊爲汾州部署司超副之康延沼李謙溥並爲都
監帥兵大入 九月少帝命劉繼業馬峯等領軍扼團柏谷
峯至銅鍋河爲前鋒何繼筠所敗死者三千人宋軍遂奪汾
河橋薄太原城下焚延夏門左勝軍使李瓊叛降於宋 少
帝時獨一室行喪左右親信無得從者己酉供奉官侯霸榮
率十餘人挺刃入闕反扃其戶帝驚起繞屏走霸榮以刃搯
其胸弑之郭無爲使人梯屋入殺霸榮并其黨帝欲逐郭無
爲月餘不能
決并人疑無爲授意於霸榮亟殺
之以滅口而左右卒莫能明也 無爲與羣臣立帝弟繼元
十一月遣使於遼告卽位且乞師遼主兀律乃遣撻烈爲
兵馬總管將諸道兵救之李繼勳等聞遼兵來皆引去諸將
因大掠宋晉絳二州同上

後主天會十三年

庚午

宋開寶二年

二月宋帝發汴先遣

李繼勳趙贊郭進司超等率兵赴晉陽

三月宋帝至太原

降太谷祁縣及城下命築長連城圍之立砦於城四面繼勳
軍於南趙贊軍於西曹彬軍於北党進軍於東劉繼業等乘
晦突門犯東西砦戰敗遁歸宋帝又命壅汾晉二水以灌城
并人大恐會城中有積草漂出塞之得無害遣使乞封冊於
遼且趣援師 四月遼兵分道入援宋何繼筠逆戰於陽曲
北遼兵大敗宋帝命以所獲首級鎧甲示太原城下憲州判
官史昭文嵐州刺史趙宏各以城降宋 閏五月遼主遣韓
知璠冊立帝知璠習兵事居圍城中盡心固守宋驍將石漢
卿等多戰死漢兵亦厭敗一日自西長連城出將焚攻戰之
具爲宋師擊卻斬首萬餘級遼復遣南大王來援時宋帝頓

兵甘草地中會暑雨軍士多疾乃詔班師分屯鎮潞遷太原民萬餘戶於山東河南遂引兵還帝命決城下水注之臺駘澤水已落而城多摧圯韓知璠歎曰宋師之引水浸城也知其一不知其二若先浸而後涸則井人無噍類矣又籍宋所棄軍儲得粟三十萬茶縣各數萬喪敗之餘賴此少濟 八

月宋帝駐潞州積雨累日未止

同上

十四年宋解州水害民田

宋史志

十六年宋河北諸州霖雨絳州大水 七月遼主如雲州

十二月大雨雪是歲大饑

宋遼二史十國春秋

廣運元年

甲戌年

宋開寶七年遼保寧六年

六月宋河中府饑宋帝令發粟

三萬振之

宋紀

二年七月築隆州城於祁縣東三十里備宋師 宋平陸縣

鷙獸傷人遣使捕之生獻十頭

宋紀十國春秋

三年八月宋党進潘美楊光美牛思進米文義率兵分五道來侵又遣郭進郝崇信王政忠閻彥進齊超孫晏宣安守忠齊延琛穆彥超等略忻代汾沁遼石等州九月遼南府宰相耶律沙翼王敵烈來援師遇党進於太原城北與戰敗績失兵馬千餘郭進虜山北民三萬七千人十月宋遼州監押馬繼恩入太原境燒燔四十餘砦虜牛羊數千郭進陷壽陽虜九千人穆彥超入太原境虜二千人党進又敗太原兵於城下是月宋帝崩晉王光義卽位改元太平興國召

諸將還

同上

四年丁丑宋太宗二年三月遷主詔以粟三十萬來助七月遼遣使助戰馬胡桃砦指揮使史溫叛附宋十二月宋

設礮務於晉州定法私煮及私販者罪有差上

五年正月宋浚汾河九月宋陽州嘉禾台穗長尺餘

宋史

六年正月宋以潘美爲北路都招討使帥崔彥進李漢瓊劉
遇曹翰米信田重進分道圍汾沁嵐諸州又以郭進爲太原
石嶺關都部署以斷燕薊援師 二月甲子宋帝自帥師來
攻發汴京 三月庚辰遣主遣南府宰相耶律沙爲都統翼
王敵烈爲監軍來援已酉遣命大將軍韓侗大同節度使耶
律善補以本路兵南援丁酉耶律沙等與宋將郭進遇於白
馬嶺時遼兵阻大澗沙與諸將欲待後軍至而戰翼王敵烈
監軍抹只等以爲急擊之便沙不能奪敵烈等以先鋒渡澗
未半爲宋人所擊兵潰敵烈及其蛙哥沙之子德里突呂不
部節度使都敏黃皮室詳穩唐筈等五將俱沒士卒死傷甚

眾會南院大王斜軫兵至萬矢俱發敵軍始退 四月宋帝發鎮州其行營都監折御卿分兵攻岢嵐軍遂陷嵐州癸亥解暉等陷隆州庚午宋帝次太原駐汾東行營辛未至於太原城潘美等乘勝進築土城長圍四合矢石如雨晝夜不息宋帝督益急城無完堞屢以手詔諭降使者至城守陣者輒不納壬申宋帝至城西督諸將士薄城下列陣於前蹲甲交射矢集城上如蝟毛時宋捕得城中人告云帝以十錢購一矢凡聚百餘萬宋帝笑曰此爲我畜也 五月庚辰宣徽使范超叛降宋爲宋兵所殺壬午馬軍都指揮使郭萬超叛逾城降宋城中益危迫宋帝移城南復手詔諭帝降城上有白雲如人狀是夜帝遣客省使李勣奉表請降漏未盡宋帝至城北張樂宴從臣於城臺遲明帝率官屬縞衣紗帽待罪臺

下宋帝釋之賜襲衣玉帶鞍馬金銀錦綵詔升臺授檢校太師右衛上將軍封彭城郡公從兄繼文駙馬都尉盧俊皆出奔於遼十國春秋世祖自乾佑四年稱帝歷四主二十九年而亡

右五代

宋太宗太平興國四年己卯 遼 五月甲申北漢平凡得州

十縣四十戶三萬五千二百二十命祠部郎中劉保勛知太

原府乙酉赦河東常赦所不原者命錄死事將校子孫瘞戰

士戊子以榆次縣爲新并州優賞歸順將校盡括僧道隸西

京寺觀官吏及高貲戶授田河南漢節度使蔚進盧遂以忻

州降乙丑帝賦平晉詩令從臣和乙未築新城丙申幸城北

御沙河門樓盡徙餘民於新城遣使督之既出卽命縱火十

春秋老幼趨城門不及焚死甚眾丁酉以行宮爲平晉寺帝作平晉記刻寺

中廢隆州墮其城庚午發太原 是月甘露降河東縣廨叢

竹凡三日 八月命潘美屯河東三交口 十一月忻州言

與契丹戰敗之

宋史本紀

五年正月詔宣慰河東諸州 三月宣徽南院使潘美敗遼

師於雁門殺其駙馬侍中蕭咄李獲都指揮使李重誨 四

月壅汾河晉祠水灌太原墮其故城

通鑑長編太原前驪臺驢澤後倚懸襄山堅而

難拔太宗命毀舊城以杜尾大之患劉安世曰昔高辛氏遷

閼伯於商邱主商今應天是也遷實沈於大夏主參今太原

是也參商不相能久矣物不兩成國初但曰并州不加府

號有深意也又本朝下河東在戊寅三年重午日實火王

此參木所忌故克之時宋受命十九年矣而晉始服且太祖

太宗嘗親征而得太原正以其地控扼二虜下瞰長安機數

百里棄太原則長安汴城不可都矣 案史言太宗將至晉

陽語侍者我以端午日當置酒高會於太原城中及劉繼元

降果五月五日也蓋參商木火之說已蓄在念幸而得驗

城之舉遂決然矣世安迷舊聞而誤以四年已卯為三年戊

也 寅八月知慈州張愈獻合穗禾

同上

六年七月河中府河漲水害

同上

七年二月甲申徙并州治唐明鎮 五月辛亥三交行營言

潘美敗契丹之師於雁門破其壘三十六美兼三交部署三
交西北三百里名固軍其地險阻爲北邊咽喉美潛師襲之

遂據有其地因積粟屯兵以守之自是北邊以甯 十月詔

河南吏民不得閑出邊關侵撓略奪違者論罪有得羊馬生

口者還之

案太原民徙置河南者是時聽還本土

閏月豐州與契丹戰破之

獲其天德軍節度使蕭太

案宋豐州在府谷界天德軍還之豐州也

是年絳州

旱雁門民劉霄妻產四男

本紀列傳五行志

八年十二月賜河東沿邊戍卒襦

本紀

雍熙元年

甲申 遼聖宗統和二年

十月癸巳嵐州獻牝獸一角如鹿角

端有肉性馴善人不能辨示羣臣參驗以聞徐鉉滕中正王

祐等引國史以爲祥麟宰相宋琪等表賀

王海

二年四月忠武節度使潘美復屯三交口

本紀

三年二月以潘美爲雲應朔等州都部署雲州觀察使楊業

副之出雁門 三月癸酉潘美自西陁入與契丹兵遇追至

寰州破之其刺史趙彥辛以城降辛巳圍朔州其節度副使

趙希贊以城降丁亥師至應州其節度副使艾正觀察判官

宋雄以城降丙申田重進白飛狐進圍靈邱 四月辛丑潘

美克雲州 五月潘美還代州往雲應寰朔吏民及吐渾部

族分置京東西會契丹十萬眾復陷寰州楊業護送遷民遇

之苦戰力盡爲所禽不食而死

契丹復陷寰州業謂美曰今遼兵益盛不可與戰朝廷止

令取數州之民但領兵出大石路先遣人密告朔州守將俟

大軍離代州日令雲州之眾先出我師次應州契丹必來拒

卽令朔州民出城直入石碣谷造强弩千人列於谷以騎士

援於中路則三州之民保全矣王侁沮其議以兵趨雁門中

川業將行指陳谷口諸君於此張步兵強弩為左右翼
俟業轉戰至此即步兵夾擊之不然而無遺類矣美即與佐
領麾下兵陣於谷口自寅至巳先令美人登託羅臺望之為
契丹敗走欲爭其功即領兵離谷口美不能制乃緣交河西
南行二十里間業敗即麾兵而走業力戰至暮果至谷口望
見無人居即拊磨大慟率帳下士力戰馬重傷不能進遂為契
丹所禽子延 七月壬午徙山後降兵至河南府許汝等州
玉亦沒焉 丁亥以僉署樞密院事張齊賢為給事中知代州 十二月
代州副部署廬漢贊敗契丹於土陞寨斬獲甚眾殺監軍舍
利二人代州志楊業戰沒上訪近臣以策張齊賢請行即授
自胡谷入寇薄城下神衛都校馬正以所部列南門外不敵副部署廬漢贊畏懦保壁自固齊賢選廂兵二千出正
之右并得密詔東師敗績於君子館以并師來會美師出并州
至北并齊賢乃夜發二百人持一幟負一束芻距城西南三十
里列幟然芻遼兵望見火光中有旗幟意謂并師至矣駭而
北走齊賢先伏步兵二千於土陞若掩擊大敗之擒其北面
大王之子一人帳前舍利一人斬數百級獲馬二千器甲甚
眾捷奏且 是歲九月重九遼主登高於黑河南阜祭天賜
歸功漢贊

從臣命婦菊花酒宋史紀傳
遼史帝紀

端拱元年戊子
遼統和六年八月遼大同軍節度使耶律抹只奏今

歲霜旱乏食乞增價折粟以利貧民從之 冬遼兵自大石

路南侵知代州張齊賢敗之於繁時同上

二年正月詔平虜岢嵐軍給復一年 三月遼免雲州逋賦

并州民侯遠妻產三男本紀五
行志

清化二年辛卯
遼統和九年四月河水溢虞鄉等七縣民饑河中絳

晉汾等州旱本紀

三年河東旱 七月平定軍蝗蛾抱草自死 雲朔等州饑

遼主詔免稅賦給復流民三年宋五行志
遼本紀

至道二年丙申
遼統和十四年三月遼主詔安集朔州流民 五月

朔州民一百七人自遼拔歸 代州風雹傷稼 九月丙戌

晉州地盡夜十二震

宋遼本紀

三年汾州民趙演妻產三男 九月知代州李允正獻嘉禾

穗一匣

志五行

真宗咸平元年

戊戌和十六年

遼統 七月庚午甯化軍汾水漲

本紀

二年嵐州春霜害稼發粟振之 八月榆次縣民周貨田禾

三莖共穗

同上 案真宗時好言符瑞史所記嘉禾尤不勝

穗圖五年八月為一景德二年九月過洪洞縣民郭堯卿獻嘉禾合

席二體上合為一景德二年九月過洪洞縣民郭堯卿獻嘉禾合

二年寶鼎縣民張知友田禾隔四體相去二尺許合穗穗橫煩

民田禾異本同類四年蒲縣禾異畝同類六年八月龍門民

田嘉禾生合德七年嵐州牙吏燕青田禾一莖八穗一莖五

穗嘉禾田茲書其一事餘並附見

五年六月李繼遷圍麟州詔發并代石隰兵援之

同上

景德元年

甲辰和二十二年

遼統 九月己亥契丹大舉分道入寇己卯

高繼勳擊敗之 十一月甲子石州地震同

二年二月遼置權場於振武軍遼本紀

四年減并代兵屯河東以省饋運本紀

大中祥符元年戊申 遼統和二十六年十月河中府酒廚梁上生芝一

本十二葉其色如玉府志 案志又載四年十一月河中府芝草生五年十月澤州鹿事梁上生

白莖紫蓋芝六年慶成軍太南廟聖製碑閣生

金芝二木七年太微廟石雙莖芝生其上合幹

二年五月代州地震 崞縣民張留妻產三男五行志

三年六月河中府進士薛南及父老千二百人并河南尹甯

王元偃率文武官將校等三上表請祠汾陰后土 八月丁

未朔詔明年春有事於汾陰修治行宮道路禁載如東封之

制遣官告天地廟社嶽鎮海瀆配以太祖太宗一如封禪儀

詣臚上築壇八角三成瘞坎皆如社首制正坐玉冊玉匱一

副配坐玉冊金匱二副先於祭前七日遣使祭河中府境內
伏羲神農帝舜成湯周文武漢文帝周公廟及於胙下祭漢
唐六帝 是月解州鹽池紫泉場水次二十里許不種自生
其味特嘉命屯田員外郎何敏中往祭池廟東池水自成鹽
僅半池潔白成塊晶瑩異常祀汾陰經度置制使陳堯叟繼
獻凡四千七百觔分賜近臣及諸列校 九月河決河中府
白浮梁村 十月河中民獲靈寶真文 十一月丁酉陝州
黃河清 十二月乙巳河再清當汾水流合處清如汾水本紀
四年正月丁酉發京師二月戊申賜扈駕諸軍緡錢癸酉次
河中丙辰至寶鼎縣幸奉祇宮戊午致齋己未漢泉湧有光
如燭辛酉加上承天效法厚德光大后土皇地祇祝文祭畢
帝改服通天冠絳紗袍乘輦謁后土廟設登歌奠獻遣官分

奠抵奉祇宮樂作改為太甯宮御朝觀壇受朝大赦天下文

武官並遷秩敘封建寶鼎縣為慶成軍賜天下大酺三日宴

羣臣於穆清殿賜父老酒食衣帛作汾陰配饗銘同上

五年王子開泰六年遼丁謂等上汾陰祥瑞圖百四十八軸同上

九年六月蝗蝻趨河東及霜寒始斃同上

天禧元年丁巳開泰六年遼二月河東蝗蝻復生多去歲螫者十

月遼南京路饑輓雲應等州粟振之宋遼史

五年辛酉太平元年遼四月慈州饑鄉甯山中石生脂宋志

乾興元年壬戌太平二年遼三月地震遼雲應二州屋摧地陷鬼白

山裂數百步泉湧成流遼紀

仁宗天聖三年乙丑太平五年遼十一月晉絳陝解饑發粟振之本紀

五年五月遼主從西南路招討奏陰山中產金銀徙置礦冶

七月遼山舊河棧地推塌獲古錢一百四十六千五百四

十二

宋志遼紀

八年八月詔盛度等詳定解鹽法悉罷三京二十八州軍權

法聽商人入錢貨京師而受鹽於兩池民甚便之

食貨志

明道二年

癸酉 遼興宗重熙二年 河東蝗 本紀

景祐四年

丁丑 遼重熙六年

十二月甲申忻代并三州地震壞廬舍

覆壓吏民忻州死者萬九千七百四十二人傷者五千六百

五十五人畜擾死者五萬餘代州死者七百五十九人并州

千八百九十人遣使撫存其民賜死傷之家錢有差

五行志

寶元元年

戊寅 遼重熙七年

正月除并代忻州壓死民家去年秋糧

二年四月募河東人入粟實邊 五月遣使體量安撫河東

並本紀

康定元年

庚辰 遼重熙九年

三月賜河東諸軍緡錢減所科粟 六

月增置河東弓手

同上

慶歷元年

辛巳 遼重熙十年

七月趙元昊寇河東攻豐州據之絕麟

府餉道楊偁請棄河外保合河津上不許并代副總管趙振

率鈐轄張亢麥允言出麟州深柏堰擊破之兼領嵐憲六州

軍事河外飢設法通塞外商得米數十萬軍民以濟 九月

命河東鑄大鐵錢

同上

三年五月忻州地大震虎翼卒王倫隨叛旋獲之

宏簡錄

四年三月丙戌夜代州五臺山寺火 五月庚午忻州地震

西北有聲如雷

是月遼徵諸道兵會西南邊以討元昊

九月壬申遼親征夏國會軍於九十九泉 十一月遼改雲

州爲西京

同上

六年七月河東大雨壞忻代等州城壁本紀

皇祐二年庚寅 遼重二月發內庫絹百萬下河東諸路糴

軍儲五十萬以備軍實同上

五年三月遣使奉安太宗御容於并州同上

至和二年乙未 遼道 宗清甯元年河東自春隕霜殺桑并州太宗神御

殿火 是年韓琦知并州契丹侵耕陽武砦地琦鑿塹立石

以限之始潘美鎮河東令民悉內徙而空寨下不耕於是忻

代甯化大山之北多廢壤琦以為此良田今棄不耕適足以

資敵遂請距北界十里為禁地其南則募弓箭手踞之墾田

至九千六百頃本紀 列傳

嘉祐元年丙申 遼 甯清二年太宗御容殿復火列傳 統平殿災詔復

素無火災自建神御殿未幾輒焚天意若曰祖宗御容非郡

國所宜奉安者近聞并州復加崇建是徒事土木重困民力

非所以答
天意也

二年八月河東沿邊久雨瀕河之民多流移

本紀

三年三月遼募天德東勝等處勇捷者籍爲軍

遼紀

四年十月復并州爲太原府

本紀

七年六月代州大雨山水暴入城 十二月癸未遼主幸西

京

遼史

英宗治平元年

甲辰 遼清寧十年

晉州河中府慶成軍旱 九月平

遙縣禾異畝合穗

本紀

四年十一月置馬監於河東交城縣

同上

神宗熙寧元年

戊申 遼咸雍四年

二月壬戌貸河東饑民粟 十二

月嵐州獲白鹿 遼西京應朔州饑遣使振之西北路雨穀

三十里

遼史

三年七月置潞州交子務食貨志

四年三月減陝西河東路囚罪一等民緣軍事科役者蠲其

租賦本紀

五年十二月詔太原置弓箭手同上

七年三月遣林牙蕭禧來言河東疆界許將解以兵二十萬歷代州境請代

地四月遼樞密副使蕭素議疆界於代州境上自春及

夏河東久旱六月陝州大雨漂溺陝平陸二縣威勝軍饑同上

八年乙卯正月遼雲州饑七月命韓續如河東割地

以黃崑山分水嶺立新疆東西失地七百里長編熙寧七年

起舖舍雁門以北稍侵入蔚應朔三州界遼遣使來言疆事

詔太常卿劉忱境上會議八年春遼遣使蕭禧來會於大黃

平議不能決初遼指蔚應朔分水嶺土塋為界及行視無土
葦乃曰但以分水嶺為界凡山皆有分水無可指據遼復遣
蕭禧來致國書詔知開封府韓絳代侃復遣知制誥沈括先
報聘括詣樞密院閱故續得頃歲所議疆事書指石長城為

界去今所爭黃崖山三十餘里言之帝喜曰大臣殊不究本
末幾誤國事括至遼遼相楊益戒來就議括得地訟之籍數
十以應之遼知不可奪遂舍黃嵬而以天池諸括還王安石
進曰將欲取之必固與之於是詔緝割地界遼遼東西失地凡
七百里其後遼包取兩下不耕地下臨雁門遂起寇心不聽
變時提點河東刑獄蔡廉上言不可失要險起寇心不聽
詔析代州諸砦以禁軍代廂軍太原汾河夏秋霖雨水大

漲 八月河東旱上同

元豐二年己未遼罷岢嵐火山軍市馬上同

二年六月詔河東陝西路各選文武官一員提舉義勇保甲

上同

四年五月丁酉詔河東路提點刑獄劉定專振被水民 戊

申封晉程嬰爲成信侯公孫杵臼爲忠智侯立廟於絳州

七月西邊守臣言夏人囚其主秉常詔陝西河東路討之上同

六年三月丙申河東將薛義敗夏人於葭蘆西嶺己亥河東

將高永翼敗夏人於眞卿流部同上

七年河東饑蠲其稅同上

哲宗元祐元年丙寅 遼 大安二年正月罷陝西河東元豐四年後凡

緣軍興添設官局同上

二年二月辛丑詔陝西河東行策應軍制法 辛亥代州地

震忻州隰州永興畝同潁州 五行志忻州永興合德又三年代

軍禾合德

六年七月嚴飭陝西河東諸路邊備本紀

七年二月詔陝西河東邊要盡築守禦城砦同上

紹聖元年甲戌 遼 大安十年正月罷河東大銅錢同上

十一月丙戌太原地震同上

二年乙亥 遼 壽隆元年九月遼詔西京敵入弩人教西北路漢人遼紀

三年二月出元豐庫緡錢四百萬於陝西河東糴邊儲長

子縣麥秀兩歧嵐州禾兩根合穗者二又禾異畝同穎台秀

至九穗

五行志二年嵐州禾合穗四年河中麥秀三穗隰州禾合穗

四年四月以西邊板築有勞曲赦陝西河東路六月己酉

太原地震

本紀

元符元年

戊寅

遼

三月丙子黃河清

遼史

二年八月甲戌太原地震甲午建葭蘆爲晉甯軍十一

月河中猗氏縣民妻一產四男子

宋紀

三年五月河東陝西饑詔帥臣計度振粟

本紀

徽宗建中靖國元年

辛巳

遼天祚

十一月辛亥太原路晉

隰代石嵐等州猗嵐威勝保德甯化軍地震彌旬盡夜不止

壞城壁屋宇人畜多死自後有司多抑而不奏

五行志

崇甯元年

壬午 乾統二年

正月丁丑以太原等十一郡地震詔死

者家賜錢有差

本紀

四年二月置河東監鑄當二夾錫錢

六月丙子復解池鹽

罷陝西河東力役

同上

大觀元年

丁亥 乾統八年

十二月同州黃河清

本紀

二年十二月尙嵐軍圍池生瑞木陝州河清宰臣等率百官

拜表賀

五行志 同州河清

本紀

四年二月罷河東鑄夾錫鐵錢

本紀

政和元年

辛卯 天慶元年

二月詔陝西河東復鑄夾錫錢四月罷

之

五月解池生紅鹽

同上

二年十月譚稹經營河東至晉州得異物於民間歸以進蔡

京謬爲天所錫禹元圭帝命行朝會禮 十一月戊寅日南

至受主於大慶殿赦天下進封京魯國公

宏簡錄

三年絳州火

本紀

四年澤州槐木連理

同上

六年七月己未解池生紅鹽

同上

宣和元年

己亥金太祖

遼天慶九年天輔三年

十二月嵐州黃河清

同上

二年秋遼主獵沙嶺冬至西京

遼紀

四年

壬寅金天輔六年

正月金兵破遼中京

遼主北走至鴛

鴛鵲聞金兵至遂奔雲中遣傳國璽於桑乾河三月金人

約夾攻遼以童貫為河北河東宣撫使屯兵於邊以應之

遼主奔夾山西京留守蕭察刺以城降於金

金粘沒喝敗遼兵於北安州獲

其將衛習泥列因知遼主在雲州宿衛軍寡撤其都統斜也

日機不可失也於是斜也出青嶺粘沒喝出驪嶺遼主聞金

師將至趨白水漂枯沒喝以精騎襲之將近行營遼主乃覺

率輕騎走夾山雲州城西有浮圖遼兵據守更下射攻城者

金將幹魯鵠巴攻奪浮圖以精銳下射 四月遼雲內甯邊

城中震慄留守蕭察刺開門降 東勝諸州皆降於金金已取西京抄漠以南部族皆應帝遂

五月遼北院樞密使謨葛失以兵入援金人敗之於洪灰

水 八月遼主親禦金軍戰於石輦驛敗績棄輜重以遁同上

五年正月遣趙良嗣聘金求西京等州 三月遼主駐雲內

州南 四月金圍遼輜重於青冢硬塞秦許二王及諸妃公

主從臣皆陷沒遼主遣兵邀戰於白水灤敗績復西遁雲內

五月夏國遣使請遼主臨其國遂渡河止於金肅軍 是

月金人許以朔武蔚三州來歸 十月遼主復渡河東還居

突呂不部宏簡錄

六年遼保大四年 金太宗天會二年正月夏稱藩於金金以下寨以北陰

山以南雲中之地二千里界之 二月遼主率軍出夾山下

漁陽嶺取天德東勝甯邊雲內等州南下武州遇金人戰於
奄遏下水復潰直趨山陰 八月金舉兵攻應蔚等州逐守

臣又陷飛狐靈邱二縣 是年河東陝西地大震

同上

二年二月遼主至應州新城東六十里爲金將完顏婁室所
獲 七月河東路地震裂至數十丈 九月金左副元帥粘

罕

金史作宗翰

至雲中

十二月庚子下朔州戊申克代州戊午

圍太原敗河東陝西援兵四萬於汾河北

本紀

欽宗靖康元年

丙午天會四年

金

二月粘罕攻太原不克分兵趣京

師過南北關權威勝軍李植以城降乙卯陷隆德府知府張
確通判趙伯臻司祿張彥適死之犯澤州之高平知縣高世
由往犒之乃去 三月庚寅姚古復隆德府辛卯復威勝軍

夏人取天德雲內武州及河東八館 四月東兵正將古

沆與金人戰於交城縣死之 五月姚古將兵至威勝軍聞
粘罕將至眾驚潰河東大震制置副使种師中與金人戰於
榆次死之詔姚古援太原 六月以李綱代种師道爲宣撫
使援太原 七月制置副使解經與金人戰於南關敗績宣
撫副使劉韜自遼州引兵與金人戰敗績 八月復命种師
道以宣撫使巡邊召李綱還河東察訪使張灝與金人戰於
文水敗績戊申都統制張思正等夜襲金人於文水縣敗之
己酉復戰師潰死者數萬人思正奔汾州都統制折可求師
潰於于夏山威勝隆德汾晉澤絳民皆渡河南州縣皆空金
人乘勝攻太原 九月丙寅金人陷太原執安撫使張孝純
副都總管王稟通判方笈皆死之 宗翰自前年圍太原宗望
自河北趨汴久不聞問是
年遂留銀術可圍太原帥師而南降定諸縣及威勝軍下隆
德府至澤州朝使至始知割三鎮講和事路允迪以割太原

詔書來太原人不受詔宗翰取文木及孟縣復留銀木可圍
太原宗翰之在太原也悉破諸縣為鎮城法以困之鎖城法
者於城外矢石不及之地築城環繞分人防守雖姚古進師
復隆德府威勝軍扼南北關累出兵互有勝負而朔州守
原之圖未幾金人遇古於盤陀古師皆潰宗翰初敗朔州守
臣孫翊於太原城下翊沒於陣繼敗府州守臣折可求於交
城及還山西與宗望合議於平定軍復南侵入月發雲中九
月克太原執經略使張孝純等鶴沙虎取平遙降靈石介休
孝義 十月金人陷汾州知州張克戡兵馬都監賈亶死之
諸縣 十一月澤州高世

又攻平定軍陷平陽府復陷威勝隆德 十一

紀本

由以城降於金河東諸郡或降或破殆盡
二年正月壬辰金人趣召康王還遣耿南仲等出割兩河地
民堅守不奉詔凡累月只得石州甲午詔兩河民開門出降

四月金人劫帝及皇后太子離青城自鄭州而北至代州

度太和嶺至雲中案徽欽北狩事蹟徽宗由衛州道真定至燕京欽宗由懷州道太原代州至雲中明
郎仁寶七修類稿據宣和遺事竊憤錄二書排比日月詳著
行程以二帝渡河同行殊誤案宋史滕茂實傳茂實遷代州

聞欽宗及郊具冠纓迎謁請從舊主俱行云云則二書所言者只徽宗也

右宋

金太宗天會五年

丁未宋高宗建炎元年

四月婁室帥師趨陝津攻河

東郡縣之未下者阿離士罕敗敵於河上遂克陝府習古迺

桑袞破陝之敗卒於平陸西北活女別敗敵於平陸婁室敗

蒲解之軍二萬盡覆之安邑解州皆降遂克河中府宋權知

府事郝仲連力戰外援不至死之

河東縣令棄官去孟縣主簿祝公明攝縣事率保甲

入援固守踰年賊陷不屈

五月婁室降絳慈隰石岢嵐甯化保德火山

諸城 六月庚申詔曰自河以北今既分畫重念其民或見

城邑有破殘者不無疑懼遂命堅守若卽討伐生靈可慰其

申諭以理招輯安全之儻執不移自當致討若諸軍敢於俘

掠輒肆蕩毀者底罰 是月宋上皇自燕京移居雲州 七

月及宋河北招撫使王彥戰敗之彥走太行其裨將岳飛領

部曲白爲一隊

宋史飛引軍益北戰於太行山禽金將托跋耶烏居數日復遇敵飛單騎持丈八鐵槍刺

殺黑風大王敵眾敗走飛自知與彥有隙復歸東京留守宗澤

以石州成將烏虎棄城喪

師杖之削其官

十月宋二帝徙居中京

宋石壕尉李彥

仙復陝州渡河列柵中條諸山旁郡邑皆響附分遣邵雲等

下解絳諸邑

宋史列傳金史本紀

六年正月丁未撒離喝敗宋兵於河上甲寅宗弼敗宋兵於

河上

宋軍出兩谷別將郭忠孝獨以蒲解軍三千至猗氏遇金人破之踰絳州破太平砦斬首數百級攻平陽入其

郭會宋軍失利

河東郡縣多叛殺英以先鋒攻絳州克之

二月阿憐破河中

婁宿悉兵自蒲解大入宋知陝州李

彥仙伏兵中條山擊之兵大潰僅以身免

十一月婁宿自

蒲津涉河圍晉甯軍其守徐徽言固守不能克

同上徽言知晉甯軍兼

嵐石路沿邊安撫使復取河西三州又并取嵐石等州教戈
船卒乘羊皮澤脫亂以掩敵金人益備遣守領為九州都統
與晉甯對壘微言出奇兵襲逐之又陰結汾晉土豪數十萬
約變故地金人忌微言欲速拔晉甯以除患建炎二年冬自
滿津涉河圍之先是微言移府州折可求夾攻金人可求降
金將斐宿挾至城下以招微言微言以義應之出兵
援擊遂斬斐宿堅壁持久之當是時環河已皆陷獨晉甯岫然
孤墉橫當強敵堅壁持久之當是時環河已皆陷獨晉甯岫然
亡山谷者幾萬眾浮後與金人盛
河上大小數十戰所俘殺過當

七年二月婁室攻破晉甯軍執徐徽言殺之岢石各州悉平
金史本紀

八年五月詔河東簽軍其家屬流寓河南被俘掠為奴婢者
官為贖之俾復其業同上

九年辛亥宋紹興元年四月詔新徙戍邊戶匱於衣食有典質其親

屬奴婢者官為贖之戶計其口而有二三以官奴婢益之
使戶為四口又乏耕牛者給以官牛別委官勸督田作戍戶

及邊軍資糧不繼糴粟於民而與振卹同上

十年九月元帥右都監耶律余睹反盡約雲中河東守郡之契丹漢兒令誅女真之在官在軍者天德知軍偽許之時兀室爲西監自雲中來燕伺知之事遂敗兀室至雲中余睹微覺父子以遊獵爲名遁入夏國夏人不納投韃靼韃靼先受兀室之命其首領詐出迎具食帳中密以兵圍之余睹出敵不勝父子皆死大金國志

熙宗天眷元年戊午南京馬步軍都指揮使徐文破太

行賊梁小哥孔彥丹討平太行諸賊舊通志天會末太行山賊往往竄聚知澤州王

伯龍討時河東北土豪聚眾保險宋河南孟汝唐州鎮撫

使翟興遣蠟書結約之向密王簡王英輩皆願受節制宋授

與河東北路軍馬使徧檄山砦由是汾澤潞懷間山砦首領

皆應命遣子崧生擒河東都統保骨遂復陽城縣乘勝取絳

之垣曲進至米糧川

案當作美良川在聞喜南

二年盜據石州斜卯阿里討之粘割胡撒率所部登城陷之

金史列傳

三年五月右監軍撒离合出河中趨陝西 六月大旱令蕭

彥讓田穀決西京囚

秋宋河東經略使王忠植舉兵陷石

州等十一郡

明年金人誦慶陽急川陝宣撫使胡世將檄忠

復之並旋人於金

宋岳飛遣梁興渡河糾合忠義社取河東北州

縣會太行忠義及兩河豪傑趙雲李進董榮牛顯張谿戰於

垣曲沁水皆捷張太保成太保等以所部降遂取懷衛二州

太行道絕

是年隆德府陷殺其守姚瑤官軍討平之

宋列傳金

紀本

皇統二年辛酉 宋紹興十一年秋西京河東大熟令有司增價和糶

志金

三年春雲中家戶軍女戶陳氏婦姑持產業契書共告元帥

府以父子俱陣亡無可充役願盡納業產於官以免充役元

帥以沮壞軍法殺之金民軍有二一日家戶軍以家產高下

戶者不得以丁數論故家戶至於一絕人丁至七月庚辰

於傭賤俱不得免陳氏婦姑棄市國人哀之

太原路進獬豸并瑞麥本紀大金國志

四年十一月立借貸飢民酬賞格蒲解等處因歲饑流民典

願爲奴婢者官給絹贖爲良放還其鄉本紀

海陵王正隆二年丁丑 宋紹興二十七年秋河東蝗同上

五年二月辛未河東地震 十月遣護衛完顏普連等督捕

河東盜賊 十二月禁河東軍民網捕禽獸及畜養鵬隼者

上同

六年六月命西京留守蕭懷忠等將兵一萬討契丹諸部

九月黃龍見雲中

本紀五行志五

世宗大定元年

癸未宋孝宗隆興元年

二月詔太子少詹事楊伯通等

廉問山西路

四月振山西路猛安謀克貧民給六十日糧

本紀

五年四月西京留守壽王京謀反獄成特免死杖之除名嵐

州安置

列傳京宗望次子本名忽魯正隆中絳陽軍節度使

得免世宗即位封壽王二年留守西京京妻召日者孫邦榮

推小京議命詐為國職作詩有鴉魯為之語以獻於京又家人

妻特免死嵐州樓煩縣安置以奴婢百口自隨官給土田

七月徙陝西元帥府於河中

同上

六年三月甲寅上如西京庚申次歸化州西京留守唐括德

溫上謁戊辰至西京庚午謁太祖廟壬申擊毬百姓縱觀

四月甲戌朔詔月朔禁屠宰 五月戊申幸華嚴寺觀故遼

諸帝銅像詔主僧謹視之壬子詔雲中大同縣及警巡給復
一年壬戌詔將幸銀山詣扈從軍士賜錢五萬有敢損苗稼
者並償之丙戌發自西京同上

十一年正月以往歲清暑山西近路禾稼甚廣無畜牧地因
命五里外乃得耕墾今聞民皆去之他所甚可矜憫令依舊
耕種 六月戊申西南路招討司苾里海水之地雨雹三十
里小者如雞卵其一最大者廣三尺長丈餘四五日始消本紀
五行志

十二年正月以水旱免西京河東山西去年租稅本紀

十四年四月詔於樓煩縣爲故壽王京作第一區月給節度

康倅京本傳

十六年河東路旱蝗五行志

十七年三月詔免西京河東去年被蝗旱租稅紀本

十八年正月免河東路前年被災租稅 閏六月辛丑命振

西南西北兩招討司民及烏古里石堡部轉戶饑同上

二十年三月以西京河東前歲被災詔免其租稅以戶部尙

書曹望之言減河東南路稅又詔諸稅非關邊塞之地者除

當儲數外聽民從便折納 十月詔西北路招討司每進馬

駝鷹鵠等輒率斂部內自今並罷之本紀食貨志

二十一年三月詔山後冑占官地十頃以上者皆籍入官均

給貧民二十年上謂宰臣山後之地皆爲親王公主權勢之家所占轉租於民云云 遼州宋忠

等亂言伏誅本紀

二十二年十月以參知政事粘割幹特刺提控代州阜通監
食貨志十八年代州立監鑄錢命振武軍節度使李天吉知
保德軍高季孫往監之而所鑄斑駁黑滋不可用詔削天吉
季孫等官兩階解職仍杖季孫八十更命工部郎中
張大節吏部員外郎麻珪監鑄二十年名監曰阜通

二十九年七月減民地稅十之一河東南北路十之二十
月沁州進嘉禾十二月以河東南北路提刑言振甯化保
德嵐州飢其流移復業給復一年雁門五臺民劉完等訴
自立監鑄錢以來有銅礦之地雖曰官運其顧值不足則令
民共償乞與本州司縣均爲差配遂令甄官署丞丁用楫往
審其利病還言所運銅鑛民以物力科差濟之非所願也其
顧直既低又有刻剝之弊而相視苗脈工匠妄指民之垣屋
及寺觀謂當開采因以取賄又隨冶匠夫日辦淨銅四兩多
不及數復銷銅器及舊錢送官以足之今阜通利用兩監歲

鑄錢十四萬餘貫而歲所費乃至八十餘萬貫病民而多費

未見其利便也宰臣以聞遂罷代州曲陽二監

本紀食貨志

章宗明昌三年

王于宋光宗紹熙三年

三月忻州陳毅上書極論守令

之弊令檢會前後所降條理舉行之 四月詔賜雲內孝子

孟興絹十匹粟二十石 五月罷北邊開壕之役 七月詔

增北邊軍千二百人分置諸堡

本紀

四年二月令宣徽使移刺敏戶部主事赤蓋實理哥相視北

邊營屯經畫長久之計

同上

六年三月以北邊糧運括羣牧所三招討司諸部西京太原

官民駝五千充之惟民以駝載爲業者勿括 十二月右丞

相襄率駝馬都尉僕散揆進軍大鹽澤分兵攻取諸營

同上

承安元年

丙辰宋甯宗慶元二年

正月大鹽澤羣牧使移刺覲等爲廣

吉利部兵所敗死之 六月平晉縣民利通家蠶自成縣段
長七尺一寸五分闊四尺九寸詔賜絹十匹 七月命有司
收瘞西北路陣亡骸骨同上

二年十月詔獎諭西南路招討使僕散揆等有功將士 十
二月遣戶部侍郎上官踰體究西京逃亡勸率沿邊軍民耕
種同上

五年九月西北路招討使獨吉思忠言各路邊堡牆隍西自
垣舌東胡烈公幾六百里向以起築匆遽並無女牆副隄近
令修完計工七十五萬止役戍軍未嘗動民今已畢功上賜
詔獎諭同上

泰和八年戊辰 宋嘉定元年 太祖三年六月以許朱平詔中外免今年
夏稅河東河北等路半之同上

衛紹王大安元年

己巳

宋嘉定二年
元太祖四年

十一月丙申平陽地震

有聲如雷自西北來戊戌夜又震自此時復震動浮山縣尤

劇城廨民居圯者十七八死者凡二三千人 十二月詔平

陽地人戶三人死者免租稅二年二人及傷者免一年貧民

死者給葬錢五千傷者三千

本紀五
行志

二年六月大旱振貧者闕食者曲赦西京太原兩路雜犯死

罪減一等徒以下免

九月詔撫諭西京被兵民戶

本紀

三年四月元兵陷大水灤 八月西京留守紇石烈胡沙虎

及元木華黎戰於定安敗績元遂陷雲朔豐勝諸州 十一

月紇石烈胡沙虎棄西京走還京師元兵分徇西南至忻州

大掠崞縣

同上

續綱目金初納哈買住守北鄙知蒙古將

侵擾雲中九原破大水灤以進金主恐始釋買住而遣使求
和蒙古不許金主命平章獨吉千家奴參政完顏胡沙行省

事於撫州留守紇石烈胡沙虎行樞密院事以禦蒙古比至
烏沙堡未設備蒙古兵奄至拔其堡及烏月營乘勝破白登
城遂攻西京凡七日金兵大敗追至翠屏山遂取西京及桓撫州

崇慶元年壬申宋嘉定五年五月河東陝西大饑斗米錢數

千流芻滿野秋元兵圍西京元帥左都監奧屯襄率師來

援敵遣兵誘至密谷口擊之盡殪復攻西京元主中流矢乃

撤圍十月曲赦西京十一月振河東南路陝西東路旱

災本紀列傳

宣宗貞祐元年癸酉宋嘉定六年七月河東旱遣工部尙書

高朶祈雨於嶽瀆至是雨足時斗米有至萬二千者八月

元分兵三道以皇子朮赤察合台窩闊吉爲右軍循太行而

南徑抵黃河掠澤潞遶沁平陽太原吉陽拔汾石嵐忻代武

等州而還兩河山東數千里城郭邱墟五行志元史本紀

二年二月元兵攻武州刺史楊沃衍死戰二十七晝夜不能
拔乃退 三月壬辰元兵下嵐州鎮西軍節度使烏古倫仲
溫死之 冬黃河自陝州界至衛州八柳樹清十餘日繼鱗
皆見

本紀五
行志

三年三月壬午西京軍民變遣官撫諭之 勅河東長貳官
訓練隨處義兵鄰境有警責其裒援降人自拔歸國者遷職
仍列其姓名以招諭來者 四月諭田琢留山西流民少壯
者充軍老幼者令就食邢洺等州欲趣河南者聽 七月甲
戌借平陽民租一年

上虞平陽城大兵食不足謀棄之宰相持不可

八月自西京

奉太祖御容奉安於啟慶宮 太原潞州置元帥府 十二

月徙朔州民分屯嵐石隰吉絳解等州

本紀

四年正月元步騎六萬攻平陽急攻十餘日宣撫使胥鼎屢

卻之 太原元帥監軍烏古倫德升招其民降北者得四千三百三十餘人 二月甲辰朔元兵圍太原已亥攻下霍山諸隘 三月徙武朔吏民於嵐石 震武軍節度使兼宣撫副使完顏伯嘉奏西京副統程瑑智勇過人持心忠孝以私財募集壯士二萬復取渾源白登有恢復山西之志已命駐於宏州矣臣恐失機會輒擬瑑昭勇大將軍同知西京留守兼領一路義軍給以空名勅二十道許擇有謀略者充州縣制可仍賜瑑姓完顏氏五月柯東行省胥鼎奏言完顏伯嘉賜姓令屯代北扼太和嶺今案諸隘悉無瑑兵蓋瑑挾太原之眾保五臺剽掠耳乞遣出太原或徙之內地分處其眾宰臣奏已遣官體究瑑軍且令太原元帥烏古倫德升召瑑使之矣當以此意報鼎無何德升奏瑑兵數萬分屯代州諸隘拒戰甚力其眾烏合非瑑不可制胥鼎復奏宜差提陞古里甲石倫言瑑方招降人謀復山西盤桓於忻代定襄間恣為侵擾發掘民粟戕殺無辜雖曰不煩官良博易為名實則攘劫石倫之言如此臣已令帥府禁止之矣宰臣奏所遣官自

析代來云不見功績之
迹惟如德升言便從之

七月完顏琢萬軍平定石仁寨

九月壬辰元兵攻代州經略使與屯醜和尚戰沒十月河

東行省胥鼎遣潞州元帥左監軍必蘭阿魯帶以軍一萬便

道濟河越關陝自將平陽精兵援京師招射生獵戶練習

武藝知土徑者分屯陝統要地十一月胥鼎入援京師用

其言以知平陽府王質權元帥左監軍同知完顏僧家奴權

石監軍代鎮河東十二月癸亥元兵攻平陽壬申元兵

進自代州神仙橫城及平定承天鎮諸隘攻太原府宣撫使

烏古倫禮道人間道齎書至京師告急詔發潞州元帥府

平陽河中絳孟宣撫司兵援之

本紀
列傳

興定元年

丁丑

宋嘉定十年
元太祖十二年

二月元兵徇忻代

七月癸

未陝州振武軍萬戶馬寬逐其刺史李策據城叛遣使招之

乃降已而復謀變州吏擒戮之夷其族 九月辛卯元兵徇
隰州及汾西縣癸巳攻沁州乙未攻太原欽箕掌寨丁酉薄
太原城攻交城清源 十一月戊戌攻太原府元急攻城中
糧道絕知府事烏古論德升屢出兵戰道復通 十二月甲
辰朔攻潞州都統馬甫死之同上

二年四月嵐州行元帥府事古里甲石倫言去年北兵破太
原游兵時入嵐州境而官民將士悉力捍禦卒能保守無虞
向者河東內郡皆駐以精甲實以資儲視邊城尤爲完富然
兵一至相繼淪沒嵐兵寡而食不足惟其上下協同表裏相
應遂獲安帖當蒙古軍初入郡縣倉皇非此帥府控制則隩
保德岢嵐甯化皆不可知矣今防秋不遠乞朝廷量加旌賞
務令益盡心力易以鎮守詔有功遷官一級仍給空名宣勅

六月樞密院言諸道表稱元集兵應州飛狐將分道南下觀其意不在河北而在陝西河東各路義士士兵蕃漢弓箭手宜於農隙教閱以備緩急石州賊馮天羽眾數千據臨泉縣爲亂帥府命將討捕之爲賊所敗旁郡縣將謀應之州刺史紇石烈公順赴以兵天羽等數十人迎降公順殺之餘賊走保積翠山遣將王九思攻之不下詔國史院編修官馬季良持誥勅金帛往招之比至九思先破柵殺賊二千二百餘復走險已而其黨安國用等詣季良降者五千餘人就署國用同知孟州防禦使以次遷擢有差分其眾於絳霍間八月元遣木華黎等帥步騎數萬自太和嶺徇河東乙卯收代州戊辰收忻州九月乙亥圍太原環數市已破壕垣元帥烏古倫德升植柵爲拒元軍壞城西北隅以入德升聯車

塞之三卻三登矢石如雨守陣者不能立城破德升死之戊

子徇汾州節度使元顏訛出虎死之 十月己酉徇絳潞王

子攻平陽提控郭用死之癸丑下平陽知府事權參知政事

行尙書省李華及從坦死之都提控從坦乞併懷孟衛州之兵以資潞州調澤州沁水端氏

高平諸兵並山爲營爲平陽聲援是月木華黎攻平陽行省參政李華以兵少援絕城破自殺提控郭用及從坦胥不屈

丁巳元兵攻澤州 十一月詔河東北路忻州甯化東勝諸

州並受嵐州帥府節制河東南路隰吉等州聽絳州元帥府

節制 元兵攻潞州元帥右監軍納合蒲刺都參議官修起

居住王良臣死之丙申下太原之韓村砦 平定州提控闕

德用率所部襲殺完顏琢及官屬程桂等百餘人遂據石仁

寨刺史范鐸懼挈家奔太原德用遂據平定州詔誅鐸 十

二月以御史中丞完顏伯嘉權參知政事元帥右監門軍行

河中府尚書省元帥府控制河東南北路便宜從事 權元

帥右監軍嵐州元帥古里甲石倫完復河東

同上

三年三月詔太原等路州縣闕正授官令民推其所愛爲長
從行省量與職任及運解鹽入陝西以濟調度命胥鼎兼領
其事 閏三月給空名宣勅及金銀符付嵐州帥古里甲便
宜遷注以招脅從諭樞密院議晉安河中諸郡備兵之策

六月戊寅曲赦河東南北路戊子遼州總領提控唐括狗兒
帥師復太原府 保德州振威軍萬戶王章弩軍萬戶齊鎮
殺其刺史孛朮魯銀朮哥仍滅其家脅官吏軍民同狀白嵐
州帥府言銀朮哥謀不軌鎮西軍節度使古里甲石倫察令
同知州事把蒲剌都圖之蒲剌都乃與兵吏置酒召章等飲
擒而族誅之命行省胥鼎量宜遷賞仍令蒲剌都攝州事撫

安其眾 八月壬申元兵下武州軍事判官郭秀死之丁丑

下合河縣縣令喬天翼死之 九月甲辰徇東勝州節度使

伯德窳死之 命行省胥鼎領兵赴河中 十月丁亥元兵

屯縣上木華黎以蕭特木兒等出雲朔攻降岢嵐火山軍

十一月戊午下晉安府行元帥府事工部尙書粘割貞死之

時朝廷遣近侍局長溫敦百家奴刑部侍郎奧屯胡撒合徒

吉州之民於丹州以避兵絳州民重遷遮道控訴百家奴令

召晉安兵將護老幼以行眾意兵至必見強乃入州署殺

百家奴胡撒畏禍徇眾與會飲歌樂盡日眾肩輿導擁護呼

拜謝而去 後治罪 元將史天祥下河東平陽河中石隰吉崞等八

十餘城石抹也先以黑軍分屯太原平陽諸郡 四年正月元兵下好義堡霍州刺史移刺阿里合等死之詔

日黑 贈官有差 二月以平陽招撫使胡天作為平陽公昭義軍

節度使完顏開爲上黨公遼州從宜都郭文振爲晉陽公皆
總帥本路兵馬署置官吏徵歛賦稅賞罰號令得以便宜行
之如能收復鄰近州縣者亦聽管屬 三月僉樞密院事完
顏賽不花奉詔出兵河北招降晉安權府事皇甫珪正平縣
令席永珪率五千餘人來歸得糧萬石時河北所在義軍官
民堅守保寨力戰破敵者眾賽不花上章言此類忠亦可嘉
若不旌酬無以激人心乞朝廷量加官賞萬一敵兵復來將
爭先效用矣上召樞密官曰朕與卿等亦嘗有此議以不見
彼中事勢故一聽帥臣規畫今觀此奏甚稱朕意其令有司
遷賞之 五月癸卯元兵徇陝州 是年潞州帥裴守謙澤
州帥王珍皆以城降元將史天倪 元木華黎由葭州渡河
西行北路都元帥哈剌拔都迎之道破隰州及懸窰地洞諸

寨 太原梁知府立西風寨奪居民耕牛元哈刺拔都領民

殺知府梟首西風驅耕牛還紀傳舊通志

五年正月元兵攻天井關 三月晉陽公郭文振遣兵攻壽

陽王胡莊 五月圍太原弗克元史金兵攻壽陽王胡莊垂

元帥哈刺拔都夜半引甲騎十餘人救之遁三交見金兵舉

烽東西兩山哈刺拔都趨之大戰天將明金兵遁去壽太原

之虛由西門俘獲哈刺拔都家屬哈刺拔都聞之徑趨西山

復奪以還五月金趙權府率兵三萬圍太原哈刺拔都將三十

騎出西門令騎曳柴揚聲言曰 樞密副使引完顏賽不花

兵三萬至矣金兵懼遁去 兵復晉安平陽二城捷上方議其賞御史烏古倫胡魯劾其

縱將士擄掠不副主上除亂拯民之意乞正其罪上以賽不

花有功詔勿問賞亦寢 六月遣使諭晉陽公郭文振上黨

公完顏開各守疆土同心濟難勿以細故啟釁端誤國事

九月增授隰州招撫使軒成官改授西省節制十月軒成復

隰州以爲經略使元將李守來攻中矢傷足走 分京畿戍

卒萬二千河中民兵八千以許州元帥紇石烈鶴壽將之屯

潼關

本紀列傳

元光元年

王戊

宋嘉定十五年

四月元兵攻陵川縣

五月

元兵屯隰吉翼等州

是月京兆行省完顏合達奏言河南

陝西調度仰給解鹽今正漉鹽之時而敵擬之將失其利乞

速濟師又言鹽利今方敵兵迫境不厚以分人孰肯冒險而

取之若自輸運者十與其八則人爭赴以濟國用從之 七

月元兵攻下孟州四蹄寨遷其民於州拔晉陽義和寨分兵

克三濟嚴入霍邑山堡遷其人於趙城縣庚戌其將按察兒

以其眾屯晉安翼州之境丙辰上黨公完顏開復澤州 十

月壬午河中府萬戶孫仲威執安撫使阿不罕胡魯刺據城

叛陝西行省遣將討平之 元兵徇青龍堡平陽公胡天作

降取牛心寨知吉州楊貞盡室墜崖死 乙未下榮州之胡

壁堡及臨晉 十二月以河中治中侯小叔權元帥府右都

監便宜行事賜同知平陽府事史詠號守節忠臣權行平陽

公府事同上

二年正月乙巳元兵下河中府權元帥右都監侯小叔復之

丁卯元兵復下河中府侯小叔死之小叔出城與都監說倫

河中府作浮橋通陝西小叔駐樂梁山舉眾兵畢集夜半坎

城以登焚樓櫓火照城中天應大驚盡棄輜重牌印牛馬雜

畜死於雙市門小叔燒絕浮橋撫定其眾元三月元國王

兵十萬圍城援兵不敢動城破小叔走死木華黎卒於聞喜 以河中府推官籍阿外權元帥右都監

總領侯小叔軍 四月復霍州汾西縣詔給空名宣勅遷賞將士之有功者 五月復河中府及榮州權平陽公史詠復

霍州及洪洞縣 徙晉陽公郭文振兵於孟州平陽公史詠

兵於解州河中府 六月罷河中行省置元帥府 七月遣

兵守衛解州鹽池 十月徙晉陽公郭文振等兵於衛州時

太原諸邑皆歸於元惟石家昂浚井寨忻州清泉寨相爲脅

齒未下 十一月以上黨公完顏開之請諭開及郭文振史

詠王遇張道盧等各與所鄰帥府相視可耕土田分界而種

之以給軍 完顏開及元兵戰於壺關敗之進軍太谷攻桑

梓寨弗克 元史金馬武京東攻太谷縣桑梓寨河東北路都

賊之案張開時開府於陵川之馬武京寨

正大元年 甲申 宋嘉定十七年 元太祖十九年 正月議修復河中府禮部尙

書趙秉文太常卿楊雲翼等言民方疲敝未堪力役遂止 貞祐

議遷都朝臣謂可遷河中河中背負關陝五路土馬全盛南

阻大河可建行幕以爲左翼前有絳陽平陽太原三大鎮敵

不敢輕入。應三鎮鄰。野之民皆聚之山寨。敵至則為晝攻。夜劫之。計屯軍中。條則所在有萬全之固矣。主議者以河中在河朔。又無宮室。不及汴。議遂寢。其後元帥都監內族阿祿帶行帥府事。恒怯不能軍。竭民力。浚築未幾。絳州破。阿祿帶奏河中孤城。不可守。有旨果不可守。則棄之。無至資敵。阿祿帶迷棄河中。燒民戶。官府一二日而盡。尋有言河中重鎮。國家基本所在。棄之為失策。設為敵人。所據。則大河之險。我不得專恃矣。宣宗悔悟。繫阿祿帶同州獄。累命完復之。隨守隨破。

六月元兵至。浚井遣卒叩寨門。詐曰。納糧芻守者弗悟。

門啟。徑入蹂踐之眾。潰。九月樞密判官移刺蒲阿復澤潞。

獲馬千匹。

本紀舊通志

三年五月詔諭陝州趙甫能以土地來歸。當任使之。八月

移刺蒲阿復曲沃及晉安。

本紀

四年二月蒲阿牙吾塔復平陽。執元知府李七斤。獲馬八千。

三月詔以銀給平陽虜獲男女。分賜官軍者。聽自便。尋元

兵復下平陽。五月恆山公武仙以兵襲太原城中。民潛應。

之夜獻東門仙引兵入元將哈剌拔都鏖戰仙兵大至哈剌

拔都沒於陣

本紀元史列傳

六年

己丑二年

宋理宗紹定元年

八月移刺蒲阿再復澤潞元將任

存戰死

元國王孛魯圍絳州武仙退保潞東十餘里原上

孛魯馳至沁南未五鼓紇石烈引兵襲其後孛魯戰失利輜

重人口皆陷沒

同上

七年七月元太弟拖雷皇姪蒙哥率師取天成等堡砦六十

餘所遂渡河趨鳳翔

八月詔賜陝西死事之孤鹽引及絹

九月元萬戶因只台吉與塔思復取潞州武仙兵敗走衛

州十一月元設課稅所於太原平陽二路

同上

八年八月元主幸雲中九月元兵攻河中府合達蒲阿遣

元帥王敢率兵萬人救之十一月元主親圍河中十二月

已未城破權僉樞密院事草火訛可死之元帥板子訛可提
敗卒三千走閬鄉詔赦將佐以下杖訛可二百以死

本紀元史

天興元年

壬辰年

宋紹定五年

正月乙酉元兵既定河中由河

津縣白坡渡河

陝州觀察副使抹撚速也以船八十往運

潼關閬鄉糧行及靈寶北河夾灘義軍張信侯三集壯士三

百餘保老幼立水棚元將忽魯罕只乘淺攻之不能克遇速

也船至卽降元兵得船遂破侯張殺戮殆盡二月元軍大

破趙雄兵於芮城十一月河解元帥權興寶軍節度使趙

偉襲據陝州以叛尋降於元

同上

右金